




TAUSAGA 6



FAKASOLŌGA O ULUTALA

Vaega 1: Kaiga

Ulutala 1	- Iesu mo tamaliki	-	5
Ulutala 2	- Iesu i loto i te kaiga	-	6
Ulutala 3	- Iesu mo tino valevale	-	7
Ulutala 4	- Ko tamana mo mātua	-	8
Ulutala 5	- Ko taina mo tuagaene	-	10
Ulutala 6	- Ko tupuna	-	11

Vaega 2: `Tou Tuakoi

Ulutala 7	- Taugasoa	-	12
Ulutala 8	- Nisi kāiga	-	13
Ulutala 9	- Tino i `tou tafa	-	15
Ulutala 10	- Tino mai nisi atufenua	-	16

Vaega 3: Akoga

Ulutala 11	- Tamaliki a`koga	-	17
Ulutala 12	- Faiakoga	-	18
Ulutala 13	- Tafaoga	-	20
Ulutala 14	- Aso fiafia mō tamaliki	-	21

Vaega 4: Ko tino e fia maua se fesoasoani

Ulutala 15	- Fafine ko `mate olotou avaga	-	22
Ulutala 16	- Tino e se katoatoa olotou foitino	-	24
Ulutala 17	- Tino ma`tua	-	25
Ulutala 18	- Pagota	-	26
Ulutala 19	- Tino fanoa`noa	-	28

Vaega 5: Te Ekalesia

Ulutala 20	- Ko te Faletapu	-	29
Ulutala 21	- Kaufaipese	-	30
Ulutala 22	- Ko Faifeau	-	32
Ulutala 23	- Ko te Kaufaigaluega	-	33
Ulutala 24	- Ko te Akoga Asotapu	-	34
Ulutala 25	- Ko te Kautalavou	-	36

Mea Akoga mo fakamaina te mataupu:

Flash cards

Video i polokalame a talavou i olotou aso fakamanatu

Fakatomuaga:

Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

Akoakoga:

Ko fakamalosigina ne te mataupu tenei ke atafai kae alofagina a talavou i te lagona kae fakataua a olotou leo mo manatu; fakatasi mo te atiake a olotou olaga i feitu katoa tau te olaga; kae fakasilisili loa ko olotou olaga faka te agaga. A te talavou ka aoga malosi a tona olaga mo tena kaiga, fenua, malo mo te lotu manafai e ola mafuta mo te Atua i taimi katoa.

Mea fai a Tamaliki:

Fesili mo tali (e fakatoka ne faiakoga a fesili)

Fuaiupu Tauloto:

Failauga 11:9 "Tupulaga tuputupu, ke fakafiafia a otou olaga i a koutou koi tupu aka. Fai te mea e loto koutou ki ei, mo te mea e manako ki ei otou loto. Kae masaua i te Atua e fakamasino ne ia a koutou. Amene.

Pese: Give me oil in my lamp

Talosaga:

Te motou Tamana, e tapu a tou igoa kae ke fai te mea e loto koe ki ei. Fakamanuia ne koe a talavou o Tuvalu kae akoako ne koe ke tausi te fakatuanaki tela ne fakavae ne koe Iesu, Amene.

Fuaiupu Tauloto: 2 Petelu 2:5 "...Noa kote tokovalu o tino ne ulu ki loto ite vaka..." KJV English translation

Pese: Head, Shoulders, Knees and Toes

Talosaga:

Te Alik, fesoasoani mai kia matou fanau kote mea kote mea kafai matou ko matua ko fai mo tamana ke fai matou mo tamana lei, tamana kola e 'taki ne matou sose tino kite ola ese gatamai.

ULUTALA 37: TE ASO O TALAVOU

Pogai: Ke fakamaina ki tamaliki me i te Aso Fiafia o Talavou e fakamailoga i ei te taua o tupulaga ko te mea ke amanaiaquina kae ke fakatauagina.

Tusi Faitau: Failauga 11:9-10:1

Fakatomuaga:

Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

Fakatokaga mo Faiakoga:

Te Aso o Talavou e fakamailoga i ei te taua o tupulaga tuputupu o Tuvalu me ko latou konei ko takitaki o kaiga, fenua, malo mo lotu o te aso a taeao. Te aso e fakamasaua ki te lotu tela e masani fai i te vaia so muamua o Aokuso; ako talavou e faitusaga i tapuakiga fakapitoa i te lotu taeao mo te lotu afiafi. E fakasoko ki tau pese i te afiafi mo nisi fakafiafiaga i te Aso Gafua. E isi foki ne akoakoga fakapitoa kola e fakatoka mai ne te Mata-Galuega a Talavou i te Ulu Ofisa o Talavou o te Ekalesia Kelisiano Tuvalu mo fesoasoani ki olaga faka te agaga o talavou. E tokouke a talavou takutakua i te Tusi Tapu e pela mo te tamafine ko Luta mo tamatene ko Tavita i te Feagaiga Mua mo te soko patipole ko Petelu mo tamataene faikimua ko Timoteo i te Feagaiga Fou. A talavou fataua konei ne fai mo tino takutakua i te fakatuanaki ona ko olotou olaga ne fuli ne te talitonu o latou ki a Iesu.

Vaega 6: Ko te Ulumanumalo, mate mo te Toetu

Ulutala 26	-	Ko Ulu manumalo Iesu ki Ielusalem	-	37
Ulutala 27	-	Ko te fakasatauloga o Iesu	-	38
Ulutala 28	-	Ko te toetu manumalo o Iesu	-	39

Vaega 7: Ko tena fanau mai

Ulutala 29	-	Ko te folafolaga kia Malia	-	41
Ulutala 30	-	Ko te folafolaga kia Iosefa	-	43
Ulutala 31	-	Ko te folafolaga ki Tausi Mamoe	-	44
Ulutala 32	-	Ko te fanau mai o Iesu	-	47
Ulutala 33	-	Ko Mealofa a tino poto	-	48

Vaega 8: Ko Aso Fakamanatu

Ulutala 34	—	Ko te Asotapu o te Talalei	-	51
Ulutala 35	—	Ko te Asotapu o Matua	-	52
Ulutala 36	—	Ko te Asotapu o Tamana	-	54
Ulutala 37	—	Ko te Asotapu o Talavou	-	55

TUSI AKOGA ASOTAPU MÔ TE TAUSAGA 6 **TUSI MÔ FAIAKOGA**

Ne fakatokagina a te Tusi Akoga tenei mai loto i te Ulu Ofisa o te Ekalesia Kelisiano Tuvalu i Funafuti mai lalo o te Matagaluega o Talai mo Akoakoga Faka-Kelisiano

A mataupu konei ne fakatoka katoa mai lalo o te akoakoga fakamasani mô te kalikulamu fou tela ne faigina ne tena 'Malu, Faifeau Tokita ko Arun Gopal mai i Initia ki Saute.

Te fakamoemoega maluga ke aogã a te tusi tenei mô tatou faiakoga e fesoasoani mai ki te fakatokaga o 'tou mataupu mô te fagaiga o agaga o fanau gasolo o 'tou Ekalesia kae maise 'tou Atufenua. Te feitu tãua e 'se ko te tauloto fua mai loto i te tusi tenei, kae ko te fakaaogaga o te Tusi-tapu, faitau faka'lei ki ei kae ko fesoasoani atu ei a fakatokãga konei ko te mea ke faka-atili mãina ei a tena Muna.

Fai'tau a te Muna a te Atua. Fai talosaga mô tena Agaga Tapu kae fakalagolago ki tena poto mo tena malosia e mafai ei ne tatou o fakatino a 'tou tusaga tãua konei e tautua atu ei tatou ki te Atua. A te kalagagina o tatou faka-faiakoga e se se kalaga fãtauvã, kae se tiute fakatino o akoako atu a te Muna a te Atua ki ana mealofoa mô te Ekalesia, kola ko fanau gasolo o 'tou Ekalesia. Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Ke masaua ne koulua faiakoga me tafasili atu a te mafa te taa fakamasi-noga ilo niisi (Iakopo 3:1)

Ke fakamanuia atu a te Atua ki aulua galuega kae maise ko oulua olaga-tautua i loto i tena Galuega.

Tamana. Te tamana ko ia kote takitaki. Ese gata fua aia se takitaki tela e 'tau o 'taki ne ia ana fanau iluga I tena olaga ke lavea ne fanau, kae ko ia se faiakoga foki te la e fakaakoako ne ia ana fanau kite mea tela e manako kiai te Atua. E uke kii a tusaga ote tamana lei tela e tasi mai iei tela ka tauloto ne taua fanau ite taimi nei me ko ia tela e taki ne ia taua fanau kite ola ese gatamai. Ite tusi ko 2 Petelu 2:5 (KJV) e lavea iei ne tatou te tiute ne fai nete tamana ko Noa. Ne tala mai me ia Noa kote tokovalu o tino ne ulu ki loto ite vaka io me kote toe tino loa o ulu ki loto ite vaka ko tena uiga ne fai te tiute o te tamana tenei kote mea sose tino ioto I tena kaiga ke sao mai te fakasalaga tela kote loto. Aia ne seki fakavave ki loto ite vaka ko ia ke sao. Ese taumate e isi se tamaliki se fakalogo, ese fia fano ki loto ite vaka, kae ne seki fakatamala a Noa I ona tiute. E tena te tiute o sose tamana, a ia kote fakasino ala ko ia foki e fakamalosi I sose auala kite mea loa e mafai ne ia kote mea ko sose tino i lalo I tena tausiga e aofia iei ana fanau ke ulu ki loto ite vaka io me ke sao mai te fakasalaga ke maua ne latou ate ola ese gata mai.

Mea Akoga mo fakamaina te mataupu:

Ata ote vaka o Noa

Ata o Iesu

Fakatomuaga:

Fesili ki tamaliki me sea te mealofa a ia ki tena tamana kite aso o tamana.

Akoakoga:

Ko akoako mai nete muna ate Atua me ia taua tamana ko takitaki iloto I kaiga tela se tiute o koe kite fakamalosiga ki sose tino iloto ite kaiga ke iloa ne ia Iesu tela e maua ai te ola (Ioane 14:6). Ite taimi o Noa kote loto te fakasalaga ka kote auala e sao iei te tino kote vaka, taimi nei kote afi te fakasalaga ka kote auala e sao iei ko Iesu Keliso manafai koe e talitonu kae talia ne koe aia.

Mea fai a Tamaliki:

Kilokilo fakalei kite ata otou tamana

Tusi ki lalo a mea lei mo mea gali ne fai ne ia mo koe

Fakatomuaga:

Fesili ki tamaliki taki tokotasi me se a a tena meaalofo ne fai mo tena matua i te Aso Tapu o Matua?

Akoakoga:

Ko akoako mai te muna a te Atua ki Matua me e manakogina a matua kola e fakatuagagina (f.10); e galue malosi (f.17); e kaimalie ki tino mativa mo tino fakaalofa (f.20); kae ava ki te Aliko (f.30). A te aso fiefia o Matua e fakavae ki tapuakiga ko tena uiga, a matua e tau o ola faka lagolago mo te fakatuanaki ki te Atua.

Mea fai a Tamaliki:

Kilokilo fakalei ki te ata o tou matua

Tusi ki lalao a mea gali kae lei ne fai ne ia mo koe

Tusi foki a mea kola i tau fakatau e se lei ei a tona olaga

Fuaiupu Tauloto:

Fataoto 31:30 "A te gali e fakase tino, pela foki te matagali e mafai fua o matafi, ka ko te fafine tela e fakaava ki te Aliko e tau o tavaegina."

Pese: Fili mai te tusi pese**Talosaga:**

Te motou Tamana faka te lagi, fakafetai mo omotou matua kola ne tuku mai ne koe. Te Tamana, ke tausi, ke atafai kae fakamanuia ne koe, ko te mea ke ola loa kae ol fiefia i aso koi toe o tona olaga, amene.

ULUTALA 36: TE ASO O TAMANA

Pogai: Ke akoako a tamaliki me e tasi o tiute ote tamana ko ia tela e t'aki ne ia taua fanau kite ola se gata mai.

Tusi Faitau: Kenese 6:1—7:24; 2 Petelu 2:5

Fakatokaga mo Faiakoga:

Te Aso o Tamana ne fakatu mo fakamailoga te taua o te tulaga o te

MANATU FAKAVAE: ALOFA KI TINO**VAEGA 1: KAIGA****ULUTALA 1: IESU MO TAMALIKI**

Pogai: Ke fesoasoani ki tama'liki ke iloa ne latou me ia Iesu e alofa tonu kia latou

Tusi Faitau: Luka 18: 15-17

Fakatomuaga:

A Iesu ko te taugasoa o tamaliki katoa, mata la koe nei se taugasoa o Iesu?

Fakatokaga mô Faiakoga:

A te ave o tamaliki ke fakaeke a lima o tino taaua io mene faiakoga ko te mea ke maua ne tamaliki ne fakamanuia, se faifaiga e fai saale I te olaga faka Iutaia. I te tala tenei a tamaliki ne ave ne tino kia Iesu _ a tino kona ea latou a tamaliki, e mafai loa ko 'matua o tamaliki (Luka 18:15). A te faifaiga tenei ne fai ne 'matua konei e 'pau mo faifaiga ne fai ne Ana (1 Sam 1:24-28) mo Malia (Lk 2:22-24). A Soko o Iesu ne ita ma aumai a tamaliki kia Iesu me i olotou manatu a Iesu te faiakoga ka fakalavelavegina ne tamaliki. A Iesu ne se fiefia ki faiga a ona soko ona ko ia e se fiefia ki faifaiga kola e fai ne tino ke fakaalofa ei a tino kola ese taulia "I te mea e o tino penei (mo tamaliki) a te malo o te Atua" _ ko fakasi ne Iesu me i tino pela mo tamaliki i olotou uiga mo amioga (kola e fakanaa ki ma'tua (fakatuanaki) e talitonu ki tena matua me e fai fakalei kia ia, e loto malalo) e o tino pena a te Malo o te Atua.

Mea a'koga mô fakamāina ei a te mataupu:

Ata napa # 76

Akoakoga:

Mai i te tala tenei e tama'liki e fai mai ki a tatou me ia Iesu e alofa pa'tonu e iloa mo tatou. E manakomia foki e tamaliki ko tatou ke alofa kia Iesu. E 'tau foki mo tatou o a'lofa ki nisi tino ona ko Iesu e alofa mai kia tatou. Iesu e manako ke fakatau a'lofa tatou i loto i 'tou kãiga. Ko tatou tama'liki ke faka'logo kae āva ki 'tou matua, ke a'lofa a tatou ki a lãua pela foki mo 'tou taina mo 'tou tuagaene. A te kãiga tela e fakavae ki te Atua, e lavea i ei a te fiefia kae fakatau a'lofa, kae ko te kãiga tela e se

tatou. Mai tona alofa fakamaoni mo tatou e tamaliki tela ne mate ei a ia I te sataulo ke fakamalogina ei a 'tou agasala kae ke maua ne tatou a te ola ese gata mai mafai tatou foki e talitonu kae fakatuanaki kia ia.

Mea fai a Tamaliki: Fakaaoga a ata napa #76 mo fai a fesili ke fakasinosino ne tamaliki a tino I loto I te ata.

Fuaiupu Tauloto : Luka 18:16e " Tuku tamaliki ke aumai kia au!"

Pese: Iesu e alofa ki tamaliki/ io me fili mai te tusi pese

Talosaga: Iesu akoako mai matou ke iloa ne matou o fakatau alofa I loto I omotou kaiga, Amene.

ULUTALA 2: IESU I LOTO I TE KAAIGA

Pogai: Ke akoako a tamaliki ke fakatau alofa a latou I loto I olotou kaiga.

Tusi Faitau: Luka 2: 41-52

Fakatokaga mô Faiakoga:

A te `kaiga fiafia ko te Paseka e fakamasaua iei te fakasaoga ne te Atua a te fanauga a Isalaelu mai te olaga pologa I Aikupito. A te Paseka e fakamanatu I tausaga katoa I te masina o Mati kia Apelila ne tino Isalaelu fua mo olotou tavini kola ko oti ne pilitome (Esoto 12:1-14). A te muna Paseka ne `fuli mai I te muna Epelu, a ko tona uiga ko te `fakaseke" . "...kafai e matea ne au a te toto, ka fakaseke ne au a te fale tena, kae ka se oko atu te fakasalaga tena ki a koutou tela e oko ki tino Aikupito." (faitau 13). Te Paseka I taimi o Iesu e fakamanatu I Ielusalema tela e tu I ei a te faletapu tela I te talitonuga o te tino Iutaia, e nofo iei te Atua. E tena foki te pogai ne tali pena Iesu ki ona matua, ke fetau mote talitonuga tena, "E se iloa ne koulua me ko `tau au o nofo I te fale o toku tamana?" kae ko te tonugs, a te Atua e nofo I koga katoa (Salamo 139:8; Isa.66:1).

Iesu. Fakamanuia au tavini kola e feagai mo faigataga ona ko te folafolaga o tau Tala Lei, amene.

ULUTALA 35: TE ASO O MATUA

Pogai: Fakamatala ki tamaliki ke maina lei i te Aso o Matua e fakamasaua i ei a tusaga lasi kola e fai ne matua mo latou, mo te kai-ga e pela foki mo tulaga kesekese o te olaga.

Tusi Faitau: Fataoto 31:10-31

Fakatokaga mo Faiakoga:

Te Aso Fiafia o Matua e fakamailoga i ei te tulaga mo te tusaga o matua i loto i Tuvalu ona ko te taua o tusaga e panaki mo latou kamata mai i te fale, te kaiga mo fanau, te Ekalesia, te fenua i Fale-Kaupule mo fakapotopotoga a fafine mo tulaga kesekese i te malo mo te olaga faka Tuvalu. Ne talia ne te Fono Lasi i te 1986 ke fakamailoga te Aso Tapu o Matua i te toe Aso Tapu o Iulai. Ne filigina ne fafine a te aso tenei e fakamanatu foki ei te Mafutaga a Fafine o te Ekalesia Kelisi ano Tuvalu. A fiafiaga o te Aso o Matua e tala loa ki tapuakiga i te Aso Tapu tena i te lotu taeao mo te afiafi kola e fakatoka kae takitaki ne fafine. E tenei te taimi tela e uke a meaalofa e fakatoka ne tamaliki ma olotou matua, e fakatino i ei te fakafetai a latou mo te tausiga alofa a te matua kia latou. A tagata i te aso tenei e kuka kae fakatoka a meakai mo fakagaligali te Aso o Matua. A fakafiafia ga e fakasoko ki taupese mo koniseti i te po mo fakaala, fatele mo siva i te Aso Gafua. Ko fakataua malosia a te tusaga faka-matua i loto i te Fenua, Ekalesia, mo te Malo; kae fakasilisili ko tusaga faka-matua tela e panaki mo te tausiga, akoako, mo te putiputiake o tamaliki. Te tusga faka-matua tena i loto i Tuvalu e se mafai o fakanafagina io me faka-tapulagina. E se gata fua i kona a tusaga o matua, kae i loto i te olaga saukatoa e lasi te tusaga fesoasoani e fai ne latou.

Mea Akoga mo fakamaina te mataupu:

Ata o matua takutakua i Tuvalu

Ata o nisi fafine takutakua i Tusi Tapu, te Pasefiika, mo te lalolagi

fakamatala a tala o te oko maiga o te Tala Lei ki Nukulaelae mo fenua katoa o Tuvalu. E tenei foki te taimi e fai ei a taulaga tupe a kaiga, fakapotopotoga mo va- sega, ke oko ki tino takitokotasi ki te Ekalesia mo fai ana galuega. pela foki mo polokalame e atiakega i ei a olaga faka te agaga o tino. E fakasoko te polokalame ki tau-pese i te po mo te fakaala mo faiga fa- tele i te Aso Gafua.

Mea Akoga mo fakamaina te mataupu:

Ata o Iesu

Ata o faifeau Samoa kola ne galue i Tuvalu

Fakatomuaga:

Fesili ki tamaliki me kaia e se fiafia ei a latou ki lotu mo te akoga i Aso Tapu?

Akoakoga:

Te Tala Lei a Iesu ne fuli ne ia a olaga o tino i Tuvalu ke lei. I aso tau-mua, a tino i Tuvalu e ifo ki tupua kae nofo mo olotou atua faite, kae atamai foki i poto fakataulaitu. Te olaga faitaua mo te loto masei e fakamasei ne ia a va o fenua mo potukau. A avaga e puke ki mafi mo uiga pouliuli pena. A amioga mo uiga katoa kona ne avekeatea ne te Tala Lei kae ko fou a olaga o tino; e tena te pogai e taua ei te aso fiafia tenei.

Mea fai a tamaliki:

Lomi te ata o te vaka o Elekana kae e peipei ne galu i te matagi malosi. Lomi te ata o Elekana mo tena Tusi Tapu i tona lima kae akoako a tino i Nukulaelae

Fuaiupu Tauloto:

Loma 1:16(a) "I au e se ma i te Tala Lei; i te mea ko te mana o te Atua e fakaola i ei a latou katoa e fakatuanaki."

Pese: Fili mai te tusi pese

Talosaga: Te Atua Tafasili i te Malosi, fakafetai mo olaga o au tav-iniloto lasi kola ne kufaki ne latou a vasa mo afa kae ne fakasao ne koe ko te mea ke maua ne matou a te Tala Lei o te Fakaolataga i a

fakavae ki te Atua e lavea foki ne tatou i ei a te faitaua, seai se fealofani mo nisi fakalavelave kola e pokotia ei latou. Tela la tama'liki, aumai Iesu ke ola fakatasi mo koe mo tou kãiga i aso katoa. Ke fakaakoako tatou ki uiga alofa mo te fakalogo o Iesu ki ona matua.

Mea fai a Tamaliki:

Faite ne fesili mai loto i te tala.

Usu se pese kae fai a taaga

Fuaiupu Tauloto: Ioane 13:34a: " Ke fakatau a'lofa koutou"

Pese: Matou se kãiga lasi fiafia.....io me fili mai te tusi pese

Talosaga:

Iesu akoako mai matou ke iloa ne matou o fakatau a'lofa i loto i omotou kãiga. Amene.

ULUTALA 3: IESU MO TINO VALEVALE

Pogai: Ke fakamalosi ki tama'liki ke a'lofa ki tino katoa.

Tusi Faitau: Ioane 4:1-14

Fakatomuaga:

A Iesu e alofa ki tino katoa. Ko oi te tamaliki e alofa ki tino katoa? E 'tau mo tatou o a'lofa ki tino katoa.

Fakatokaga mô Faiakoga:

A Sukala se fakai o Sãmalia kae e fakatautau me 30 maila ki te feitu ki Matu o Ielusalema kae tu pili ki te vaikelu o Iakopo te koga ne fetau ei a Iesu mo te fafine Samalia. A tino Samalia e se fai mea fakatasitasi mo tino Iutaia ona me fai fili (Eseta 4:1-4) kae taumafai faeloa o fai a amioga ma'sei ki a latou. E pena foki a tino Iutaia, e 'kilo mo te loto masei mo a e fakatauemu ki tino Samalia kae taofi ne latou te saolotoga ke kaufakatasi atu ki tapuakiga (excommunicate).

Te vaiola tenei e faipati ki ei a Iesu e fakauiga loa ki a ia I (Ioa.4:10; 7:37-38; Fak 7:17; 22:1).

Mea a'koga mô fakamãina ei

a te mataupu:

Ata #64

'Sala ata o tino o fenua valevale (Palagi, tino o te Pasefika, tino Afelika

Akoakoga:

I te tala a tatou e tama'liki i te taeao tenei, e lavea ne tatou i ei me ia Iesu e se fakakese'kese tino kae e alofa ki tino katoa. E alofa ki tino valevale kae se ko tino fua o tona kãiga io me ko tino fua o tena fenua. A Iesu se tino Iutaia, kae ko te fafine ne fetau mo ia i te vaikeli se fafine Samalia, a Iesu ne alofa foki ki a ia. Tela la e tama'liki, a te manakoga o te tala i te taeao tenei, ke fai tatou pela mo Iesu. Ke a'lofa tatou ki tama'liki mo tino katoa kae se ko tama'liki mo tino fua kola e kãiga tatou io me fenua tasi tatou, ke oko foki loa ki tama'liki mo tino mai nisi atufenua pela mo sã Fiiti, Tonga, Samoa, Palagi.

Mea fai a Tama'liki:

`Kala ata
Usu pese

Fuaiupu Tauloto: Ioane 15:12 "Ke fakatau a'lofa koutou, e pela e iloa mo au e alofa atu ki a koutou."

Pese: Jesus loves the little children...io me fili mai te tusi pese

Talosaga: Iesu fakafetai mo tou alofa tela e se fakapito tino, akoako mai matou ke iloa foki ne matou o a'lofa ki tino katoa ona ko koe Iesu. amene.

ULUTALA 4: KO TAMANA MO MATUA

Pogai: Ke fesoasoani ki tama'liki ke iloa ne latou a te a'lofa o olotou mātua ki a latou.

Tusi Faitau: Esoto 2:1-10

Fakatomuaga:

A te mātua mo te tamana ko tino kola e a'lofa tonu ki a koutou tama'liki.

Fakatokaga mô Faiakoga:

A te tamana o Mose ko Amalamo a ko tena mātua ko Iokapeta (Eso.6:20); se tino mai te matakãiga o Levi (Eso.2:1) a ko tena taina ko Alona (Eso.4:14) mo tena tuagane ko Miliama (Eso.15:20). Te uiga o Mose ko te ave keatea io me ko te futi ki luga mai i te vai.

faimeaalofa kae o tapuaki ki te Aliko, te Fakaola tela ne lavea ne latou a tona fetu fakatino. Ne mai latou mo te mautinoa mo te loto tali'tonu ko latou ke oko ki te fale e fanau ei a te Aliko. E `pau e iloa mo tatou i aso nei, e lavea ne tatou a tino e fai meaalofa saale foki ki tamaliki foliki mo tino kola ko fai olotou asofanau, mea nei ne fakaasiga katoa o te a'lofa mo te amanaia ne tatou a te tino tela io ia a te asofanau. A te fanau mai o Iesu se meaalofa tena a te Atua te Tamana mô tatou tino katoa, ne tuku mai tena ola ke mate a ia mô `tou agasala ke fakamagalogina. Seâ la nei a `tou tali ka tali atu ki te alofa o Iesu mo tena Tamana? Tamaliki, ke tuku atu foki a `tou ola mo `tou foitino ke fakaaoga mo fai a te finagalo o te Atua i te lalolagi nei i aso katoa e ola ei tatou.

Pese: Tuku tau Meaalofa mo te Aliko....

Fuaiupu Tauloto: Mataio 2:6 "A koe foki e Petelema i te fenua o Iuta, ka sili atu tou taulia i Aliko o Iuta; me e tupu mai ia koe se takitaki tela ka pule ne ia toku fenua ko Isalaelu."

Talosaga:

Te Atua o te Alofa tauanoa, fakafetai matou mo te tala gali. Kae akai matou ke fesoasoani mai koe ki omotou olaga, ke fiafia matou o `sala faeloa ki a koe i omotou olaga, kae maise, ke fiafia foki matou o ôla mô koe. Amene.

ULUTALA 34: TE ASO OTE TALA `LEI

Pogai: Ke akoako a tamaliki ke maina fakalei me i te Tala Lei ko te tala o te fakaolataga tela ne fuli ne ia a olaga o tino mai te pouliga ki te mainaga o Iesu.

Tusi Faitau: Luka 2:8-20.

Fakatokaga mo Faiakoga:

Te Aso Fiafia o te Tala Lei i Tuvalu e fakamanatu i ei te okoga mai o te lotu io me ko te Tala Lei a Iesu tenei e fakavae kae tausi ne te Ekalesia Kelisiano Tuvalu. Te aso fiafia tenei e fai i ei te tapuakiga fakapitoa tela e fai i te lua o Aso Tapu o te masina o Mee. E masani o

taina ko Hel-ota tela e matua kesekese laua. Ona ko tena manakoga tena, ne mavae ei a ia mo tena avaga, kae avaga mo Helotia. A Ioane te Papatiso ne fakaasi ne ia a tona se fiafia ki tona uiga tena, tela ne pei i ei ne ia a Ioane ki te falepuipui kae fakamuli ifo ne kati a tona ua i te manakoga o Helotia (Mata.14:1-12; Male.6:14-29; Lu-ka.3:19-20; 9:7-9). Ko Helota foki loa tenei ne fakamasino ne ia a Iesu (Luka.23:6-16; Galu.4:27). A tino Poto mai te Sopogala i te gana Eleni 'Magi' e fakauiga ki tino fakataulaitu; kae i a Mataio (2:1) e fai mene aumai mai te Sopo gala kola ko fenua faka Alapi mo Mesopotamia. A tino Poto konei ne poto i mea tau fetu me tela e takitaki ne te fetu (2:2) kae ne tino o fenua fakateka me e 'se iloa ne latou a muna a pelofeta e uiga mote koga ka fanau mai o Iesu (2:2-6). Ona me tolu a meaalofa (2:11) ne tuku ki a Iesu, ko tuku taumate ei me tokotolu a tino Po-to mai te Sopogala, ka ko latou kona ne tupu e pela mo te moli-mau a Isaia (60:3).

Lesona:

I te vaitaimi tenei, ko taimi o te tupu ko Helota. Ne logo te tupu ite Keli-so ko fanau mai, kae ne lamalama ne Helota ke tamate neia Iesu ka ko nofo iei a Malia mo Iosefa mo te pepe i te fale o manu. A Helota ne vau ite gafa o Esau, tela e fai fili mo tekau Iu-taia. Ko pilipili ki te oti o tena nofoaiga, kae ne malaga mai iei a tino poto mai te Sopogala o sala ate Tupu ote kau Iutaia. Ona ko te tulaga atamai o latou, tela e filifiligina sale faeloa latou ke ola o faipati ki te tupu. I te malaga o olo o sala te Tupu, e lavea ne latout e fetu pula, ka mai ite lotou maina i fetu, mote faitau foki ki tusi-tusiga fakapelofeta, e iloa ne latou o fakamatala te uiga o te fetu pula, me ko te fetu o te Tupu. Ne taki latou ne te fetu ki te koga tela e fanau iei ate Pepe. Ne lafo olotou meaalofa kite Pepe o Pe-teleema, te Fakaola o tino katoa.

Mea a'koga mo fakamāina ei a te mataupu:

· Ata #57

Faifesili ki fesili e autu tonu loa mo te tala a tatou I te taeao nei. Niisi ata mafai e isi.

Fakatomuaga:

Kaiā e ave saale ei a meaalofa a tino ki pepe io me ko taimi o asofanau? Niisi ata mafai e isi

Akoakoga:

A tagata poto konei mai i te sopoga'la ne faimalaga mai o 'sala, o

Te tulafono ke tamate a tama'liki ta'gata Isalaelu ne fai ne te tupu o Aikupito ko Lamese II tela e se iloa ne ia a mea a Iosefa ne fai mo Aikupito. Ona ko tena matakou i te tokouke o tino Isalaelu i te mea ma 'kau ki te fili kae faitaua atu ki a latou (Eso.1:8-16), tena ne fai i ei a tena fakatonuga ki fafine faka-fanau ke tamate a tama'liki tagata kola e fanau mai kae ke faka'sao a tama'liki fa'fine. Te ato kome ne faite mai i te lakau ko te papyrus tela se lakau e tai foliga pela me se tolo io me ko mouku 'loa kae ola i kaugutu o te vaitafe ko te Naila.

Mea a'koga mô fakamāina ei a te mataupu:

Ata # 54, # 24

Akoakoga:

I te tala a tatou e tama'liki i te taeao tenei e fakaasi mai i ei a te a'lofa o mātua o Mose ki te lā tama ko Mose. Ne taumafai e iloa lāua o fai so se aofaga e fakasao ei a te lā tama. Ne ga'lue malosi a lāua o faite se ato pela me se pooti ke 'fao a Mose ki loto kae ke faka'funa i te vaitafe. Mai i te taumafai malosi o lāua, ne sao ei a Mose. A 'tou mātua foki e tama'liki, ko latou e iloa ko a'lofa ki a tatou. E tausi ne latou tatou, e fakatoka ne latou 'tou mea'kai, 'tou moega, e 'ta ne latou 'tou gatu, e ave ne latou tatou ki te Fakaimasaki māfai tatou e ma'saki, e togi ne latou 'tou mea mai i te sitoa etc. Tela la, e 'tau foki mo tatou o a'lofa ki 'tou mātua me ia latou e a'lofa mai ki a tatou.

Mea fai a Tama'liki:

Fai fesili kae ke fakasinosino a ata ne tama'liki

Fuaiupu Tauloto: Isaia 49:15 "Tela la, ne tali mai te Aliko penei, E mafai ne se fafine o puli tena pepe?....."

Pese: Jesus loves me this I know, for the Bible tells me so...io me fili mai te tusi pese

Talosaga:

Iesu fakafetai mo omotou mātua kola e a'lofa tonu ki a matou. Ke fakatumau ne koe olotou a'lofa fakamaoni mo matou kae akoako mai foki matou ke iloa ne matou o a'lofa tonu ki a latou. Amene.

ULUTALA 5: KO TAINA MO TUAGANE

Pogai: Ke fakamalosi a tama'liki ke fakatino olotou a'lofa ki olotou taina mo tuagaene.

Tusi Faitau: Kenese 45:1-5

Fakatomuaga:

Ko oi a te tamaliki e isi ne ana taina mo tuagaene?

Fakatokaga mô Faiakoga:

A tama'liki a Iakopo ko Iosefa mo Peniamina ne fai i tena avaga ko Lasela tela e fagasele malosi i tona loto, ne fai a ko matua a Iakopo. A ko nisi tama tã'gata a Iakopo kola e toko-sefulu ne fai i tena avaga ko Lea e tokoono; i te tavini a Lasela ko Pila e tokolua kae tokolua foki i a Selepa te tavini a Lea (Kene.35:22-26).

I te oloatuga o ana taina o togi saito ne fakaasi ne Iosefa i ana pati me i a ia e pela me e fai fili ki ona taina. Ne `pei ne ia a ona taina ki te falepui-pui i aso e tolu; oti i kona, toe fakasaoloto ne ia a latou kae taofi i te falepui-pui a Simeona (Kene.42:7, 16, 24). I te fokimaiga o ana taina mo te taina fo'liki o latou tela ko Peniamina, ne talimälô faka'lei ne ia. Mai tua o te togafiti tela ne fai ne ia ki a latou, i te tuku o tena ipu inu ki te taga saito a Peniamina (Kene.44:2); tena ne fakaasi atu ei a ia ki ona taina mo loimata ma'ligi me i a ia ko Iosefa e iloa te taina o latou.

Mea a'koga mô fakamāina ei a te mataupu:

Ata #22

Akoakoga:

E lavea ne tatou e tama'liki i `tou tala a te alofa o Iosefa ki ona taina. E ui e iloa i te se `lei o te lotou mea ne fai ki a Iosefa, kae ko Iosefa ne alofa e iloa ki a latou. A Iosefa e fakaasi mai ne ia ki a tatou e tama'liki a te mea tela e manako a Iesu ke fai ne tatou, ko te alofa ki tou taina mo toutuagaene. E pela mo Iosefa, e `tau e iloa mo tatou o a'lofa ki `tou taina mo `tou tuagaene.

Mea fai a Tama'liki:

Tama'liki ke `kala ata.

Fuaiupu Tauloto: Epelu 13:1 "Ke fakatau a'lofa koutou e pela e iloa mo ne taina i a Keliso.."

Mea fai a Tamaliki:

`Kala a te ata #54.

Fai a fesili mo atili fakamāina ei a te tala o te taeao nei.

Pese: "Ko fanau mai te pepe...."

Fuaiupu Tauloto: Mataio 5:5 "Amutia a latou kola e loto malalo me fai ma latou a folafolaga a te Atua."

Talosaga:

Te Atua te motou Tamana alofa, fakafetai mo te fakaasi mai ne koe se ata fakaakoako ki a matou, ko te mea ke ola matou i te loto maulalo. Fesoasoani mai ke mafai ne matou o ola i loto i tou finagalo. Amene.

ULUTALA 33: KO MEALOFA A TINO POTO MAI TE SOPOGALA

Pogai: Ke fakamaina ki tamaliki, me i te fai meaalofa ki te pepe ko Iesu, se faifaiga e fakamalosi ne ia a te fai mealofa o tatou ki te Atua.

Tusi Faitau: Mataio 2:1-12

Fakatokāga mô Faia'koga:

Peteleema (te Fale o Falaoa) se fakai foliki tela e lima maila ki te feitu ki Saute o Ielusalema, kae e tusa mo te 750 meter te maluga mai i te levolo o te tai. Tenei te fakai o Tavita mo ana matua (1Samu.16:1; 17:12). Ne takutakua malosi te fakai tenei mene fa-nau mai i ei a Iesu (Mika.5:2; Mata.2; Luka.2; Ioa.7:42). A Helota te Sili (Herod the Great) ko `te tupu o tino Iutaia' i te tai-mi ne fanau ei a Iesu kae a ia ne mate foki loa i te tausaga foki loa tena i te 4 B.C. Ko Helota tenei ne faite ne ia te Faletapu i Ielusalema tela ne kamata i te 20 B.C kae ne oti lei i te A.D.62 ka ko leva ne mate i ei a ia. A Helota te Sili ne sui ne tena tama ko Helota Anitipa (4 B.C-A.D.39) tela ne feagai mo Ioane te Papaptiso mo Iesu (Mata.14:1-12; Male.6:14-29; Luka.3:19-20; 9:7-9; Male.8:15; Luka.13:31-32; 23:6-16; Galu.4:27). A tena tulaga ne fakase ne tona fiafai ki a Helotia tela e fakatamana ki a ia, kae avaga mo tena

te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). " ... fakamoe i te tali fagai manu, me ko seai se koga mo latou i te faletalimalo" te ata o te tavini loto malalo kae 'e se kai filifili' me seai i a ia te loto fia sili kae ko te loto alofa mo tino katoa.

Lesona:

Ne fakatonu ne Kaisala Aokuso ke fai te tusiga igoa i fakai o tupu-ga o latou. Ko Kulene i ei te kovana o Sulia. Kaisala Aokuso ne pulepule mai ite 27 TMK ke oko ki te 14 TMTK. A Iosefa mo Malia ne aumai kite tusiga igoa, kae ko te taimi tonu foki e iloa ne fanau iei a Malia. Ko te fakataunuga o te valoaga nefai ne te pelofeta ko Mika 5:2 Muna ate Alike "Peteleema Efalata, a koe se fakai e tasi mai fakai foliki e iloa o Iuta, kae ka avaka ne au mai i a koe se pule mo Isalaelu, ko tena gafa e vau mai aso mua e iloa." I te okomaiga ki Peteleema, ko fonu te fale talimalo, kae ko seai se koga mo nofo. Na ko te fale o manu fua e avanoa. Iesu ne fanau iloto ite fale o manu, kae ne fakamoe i loto ite tali fagai manu.

Mea a'koga mo fakamāina ei a te mataupu:

Ata #54

Akoakoga:

A te fanau mai o se pepe ki loto i se kaiga, se fakafiafiaga lasi ki loa ki matua mo kaiga o te pepe kae maise ko te tamaliki muamua loa tela ko te ulumatua. A matua e masani o fakatoka saale ne laua a kope o te pepe pela mo pitaake, ko te tiisi koukou ko te fa-gu susu mo niisi mea aka foki. Amutia tatou kola ne fanau i te fa-kaimasaki io me i loto i se fale gali kae mafanafana, kae fai mai a te Tusitapu, me ia Iesu ne fanau fua i loto i te fale e tausī ei a manu pela mo pulumakau mo kouti mo mamoe, ona me ko seai se avanoaga mo latou i loto i fale talimalo. Tamaliki, a te fanau mai o Iesu i loto i te fale manu se fakaasiga o te auala o te loto maualo kae se ko te fiamaluga mo te fiasili. Tela la, ke fakaakoako tatou ki

Pese: Matou se kāiga lasi fiafia...io me fili mai te tusi pese

Talosaga:

Iesu fakafetai mo omotou taina mo tuagaene ne tuku mai ne koe ke fakatau fesoasoani matou i te olaga tenei. Alofa mai ke iloa ne matou o fakatau a'lofa. Amene.

ULUTALA 6: KO TUPUNA

Pogai: Ke akoako a tama'liki ke iloa ne latou o a'lofa kae āva ki olotou tupuna.

Tusi Faitau: Kenese 48:8–14.

Fakatomuaga:

Ko oi a te tamaliki e alofa ki ana tupuna? (Silisili ki tamaliki me ko oi a igoa o olotou tupuna).

Fakatokaga mō Faiakoga:

Te lima fakaatamai ko te lima malosī kae taulia o te tino kae i te faiga o fakamanuiaga, e tena te lima e fakatāua i manatu faka-Epelu (Male.14;62; 16:19; Gal.5:31; Kal.2:9; Epe.12:2). I te suā feitu, a Iakopo ko kivi, kae ne fepeiaki ona lima tela ne tuku a tona lima fakaatamai ki te ulu o te tamaliki foliki ko Efalaima kae ko tena lima fakamaui ki te ulu o te tamaliki matua ko Manase; kai a ne fai ei ne ia se faifaiga pena? Mata e iloa ne ia i te tamaliki matua tela e iloa i tona feitu fakaatamai? Mata ko te Atua ne fakatoka ne ia ke pena? Sa puli me ia Iakopo ko te tama foliki kae ne maua foki ne ia a fakamanuiaga kola ne 'tau o maua ne te toekimua tela ko tena taina ko Isaako.

Mea a'koga mo fakamaina ei a te mataupu:

Te faiakoga ke 'sala ne ata kola e 'tau tonu mo te mataupu

Akoakoga:

A 'tou tupuna e tama'liki, ko latou foki loa ko a'lofa ki a tatou. I nisi taimi ko sili atu loa a te a'lofa o tupuna ki olotou mokopuna i lo olotou tama tonu. A Iakopo foki i te tala a tatou, ko oko e iloa a tena alofa ki ana mokopuna konei ko Manase mo Efalaima, tama'liki a tena tama ko Iosefa. Ne fakamanuia ne ia a laua ke manuia a la olaga kae ke fai foki a laua mo tino takutakua, tino maluga. A te fakamanuiaga tenei se fakaasiga o

tena alofa fakamaoni ki ana mokopuna, e pena foki a 'tou tupuna ki a tatou e tama'liki. Teta la, e 'tau eiloa mo tatou o a'lofa fakamaoni ki 'tou tupuna me fiafia ki ei a Iesu.

Mea fai a Tama'liki:

Tama'liki 'kala ata kola ne fakatoka ne te faiakoga

Fuaiupu Tauloto: Levitiko 19:32a "Ava kae faka'malu ki tino ma'tua"

Pese: Matou se kaiga lasi fiafia...io me fili mai te tusi pese

Talosaga:

Te Aliko, aumai ki a matou a te ava mo te alofa ko te mea ke alofa kae ava foki matou ki omotou tupuna. Amene

VAEGA 2: 'TOU TUAKOI

ULUTALA 7: TAUGASOA

Pogai: Ke faka'mau ki mafaufau o tama'liki ke iloa ne latou a te taua o te fai mo taugasoa lei.

Tusi Faitau: 1 Samuelu 18:1-5

Fakatokaga mo Faiakoga:

A Ionatana mo Tavita ne fai mo taugasoa takutakua i te Tusitapu kae e molimau ne tino me ne 'tupu malosi o la foitino ko pau ake eiloa i te lasi; kae ke mo a e puli ia tatou a fakatokaga a te Atua ne fai mo fakataunu ei a tona tautua fakamaoni ki a Isalaelu. A te fesuiaki o meatau, gatu mo nisi mea taua pena, se faifaiga i aso o Ionatana mo Tavita e fakamailoga i ei a te saiga o te taugasoa o se tokolua tagata kae maise eiloa a sotia.

Mea a'koga mo fakamaina ei a te mataupu:

'Sala te ata Tavita mo Ionatana se taugasoa 'lei
Fakatoka ne ata ke 'kala ne tama'liki

Fakatomuaga:

A te faitaugasoa 'lei ko te alofa katoatoa eiloa o koe ki tou taugasoa pela mo tou alofa ki a koe eiloa. E seai se faitaugasoa 'lei e mafai o maua mafai e seai se alofa.

tatou me ia Iesu ko te Keliso, te Aliko mo te Fakaola o tatou? ke na talia ne tatou a ia ki 'tou olaga i te taeao nei ke vau a ia o fai mo Aliko tumau o 'tou olaga i aso katoa.

Mea fai a Tamaliki:

· 'Kala fakagaligali a te ata #55
Tauloto a te fuaiupu tauloto ke maua faka'lei

Pese: Ne nonofo i te vao leoleo mamoe....

Fuaiupu Tauloto: Luka 2:10,11 "Sa ma'taku, kiloke ko aumai ne au a te 'lei mo koutou, ka fakafiafia ei a tino katoa. I te po eiloa tenei i te fa'kai o Tavita, ko fanau ei te outou Fakaola ko Keliso te Aliko "

Talosaga:

Te Atua te motou Tamana alofa, fiafia omotou loto i tou alofa mo matou. Ko fakaasi mai ne koe ki a matou a te fanau mai o tau tama pele ko Iesu, tela ko te motou Fakaola. Fakamalosi mai ma-tou ke iloa ne matou o a'lofa ki a koe i aso katoa o motou olaga. Amene.

ULUTALA 32: KO TE FANAU MAI O IESU

Pogai: Ke akoako a tamaliki ke ma'ina i te 'tala o te fanau mai o Iesu.

Tusi Faitau: Luka 2:1-7

Fakatomuaga:

Kai isi aka loa se tamaliki i Tuvalu nei ne fanau i loto i se pamoā, pa-taki io me se saipuaka?

Fakatokāga mô Faia'koga:

Te tusiga igoa (census) te la ne fakatonu ne Kaisala Aokuso kae ko Kulenio ko te kovana o Sulia e fakapatonu kae fakamailoga i ei a te taimi (date) ne fanau i ei a Iesu. Ko tona uiga, i loto i gasologa o tala tuku fakasolopito o te lalolagi, ne gaki mai i ei a te Atua mo ana fuafuaga, mo tena palani fakaola ke faka-galue mo tino o te lalolagi. A Iosefa ko te tamaliki a Iakopo (Mata.1:16), ne vau mai

mo te tau moko. A te galo o se mamoe e tasi se matua mea faka fano anoa ki te tasi mamoe.

A te uiga o te muna 'Agelu' i te gana Eleni se "faifekau". Te agelu ko te faifekau faka te agaga a te Atua. E pela mo tala i Pateleake (Kene.16:7-14;19:1-22; 22:11, 15-18) ke oko ki fekau ki nisi tino (Eso.3:2; 23:20-23; 33:2; Fama.13:3-5; 1Tupu.19:5-7; 2Tupu.19:35; Isa.37:36). A faifekau konei e seai ne foitino o latou Sala.91:11-12), e fakaaoga foki i nisi taimi ke fakaoko ne latou te fakamasinoga a te Atua (Mata.13:49-50).

Lesona:

A tasi mamoe e nofo ite vao, ite po kae fakaasi atu te agelu mo te fekau kia latou me ko fanau te Pepe o Peteleema ite fakai o Tavita. Te agelu, ko te avefekau ate Atua. Ite mataupu silisili, a Iesu ko te Fakaola, ko ia foki ko te Keliso, te Atua Fauu kae fakata- pu, ko te Mesia. A Ia foki ko te Alike. Muna te agelu, ka maua atu ne koutou te tamaliki e pulupulu ki laugatu, kae e fakamoe aia I loto ite tali fagai manu.

Mea a'koga mo fakamāina ei a te mataupu:

Ata 55

Fakatomuaga:

Kafai a te po ko pouli aka loa kae 'nofo tatou i te vao, kae sae fakavave mai se mainaga pula kae lasi, mata tatou e poi kae ma'taku?

Akoakoga:

A fakaasiga katoa konei ne 'tupu, ne mea katoa e molimau mai ne latou a te 'kese mo te 'malu o te tamaliki tenei ka fanau mai. Ko 'kese mai fanaumaiga o tino katoa kola ne fanau mai mua o Iesu, kae ke oko foki loa ki aso nei, seki ai loa se tino ne fanau mai ke isi ne fakaasiga pela mo fakaasiga konei ne 'tupu i te taimi ne fanau mai ei a Iesu. A tasi mamoe kaati ne 'poi katoa kae matakua me sea la a te mainaga lasi tenei ko maina mai luga o latou. Ne 'poi oki me uiga mo Iesu. Tamaliki, a te Tala ne aumai ne agelu ki tasi mamoe, e tenei e iloa koi tumau a tena folafola mai ke oko ki te taeao nei; ko fanau mai a te Keliso te Alike ko Iesu, ea, kai talitonu e iloa

Akoakoga:

E taua 'ki e iloa i 'tou olaga ke iloa ne tatou o filifili faka'lei a 'tou taugasoa kae ke iloa foki ne tatou o fai taugasoa 'lei. A taugasoa e mafai o fesoasoani mai ki a tatou kae mafai foki o fai ne latou 'tou olaga ke ma'sei. I tou taugasoa fai, ke fai tou taugasoa pela mo te taugasoa a Tavita mo Ionatana, ke a'lofa tonu tatou ki tou taugasoa pela mo tou a'lofa ki a tatou e iloa. Te Atua e fiafia ki tino fai taugasoa 'lei, kae ke iloa ne koulua e tama'liki me fai mai a te Tusitapu me e isi se taugasoa o tatou tela e alofa patonu e iloa mo tatou—Ko oi? Ko Iesu, ko te taugasoa mo tatou e tamaliki i so se taimi mo aso katoa.

Mea fai a Tama'liki:

Fakafesilisili a tamaliki e uiga mo te tala mo tena akoakoga. 'Kala a ata

Fuaiupu Tauloto: Faataoto 17:17a "A takaga e masani o fiafia fakatasi kae fakatau a'lofa..."

Pese: Iesu ko te taugasoa io me fili mai te tasi pese

Talosaga:

Te Alike, fesoasoani mai ke iloa ne matou o faitaugasoa 'lei kae ke fakatau a'lofa foki matou e pela mo tou alofa ki a matou. Amene.

ULUTALA 8: NISI KAA'IGA

Pogai: Ke akoako a tama'liki ke fai faka'lei ne latou a olotou va fealofani mo tino i nisi kaiga.

Tusi Faitau: Luka 10:38-42

Fakatokaga mo Faiakoga:

A Petania se fakai foliki tela e lua maila te 'mao mai i Ielusalema i te feitu ki te Saegala. A Lasalo tela ne fakatu ne Iesu mai i te mate a ko fa a aso o ia i te tanuga (Ioa 11:17, 38-44), e nofo mo ana tuagaene ko Maleta mo Malia i konei.

A Malia i te 'kaiga ne fakatoka ne tatou mo Iesu, ne ligi ne ia te sausau manogi ki ona vae kae 'solo ki ona laulu (Ioa 12:1-8 fakapau mo te Mat 26:6-13 mo Male 14:3-9).

Mea a'koga mo fakamaina ei a te mataupu:

Ata

Fakatoka ata kola e mafai ne tama'liki o 'kala

Fakatomuaga

A te alofa e se fakasino tino! A te alofa e 'tau o fakatino ki tino katoa, tino i loto i 'tou kaiga, tino e se kaiga mo tatou ke oko foki loa ki tino e se fenua tasi tatou.

Akoakoga:

E fia fakamalosi i konei ko tatou ke iloa o a'lofa ki nisi tino kae ke se fakasino tino tatou ki tino fua kola e fiafia tatou ki ei, io me ko tino fua kola e kaiga tatou. A te manatu maluga o te akoakoga i te aso nei ko tatou e tama'liki ke fakataua'lofa kae ke fealofani, i te vasia o te tamaliki ki te sua tamaliki mo te tino ki te sua tino. Kai a e 'tau ei mo tatou o a'lofa ki nisi tino? A tatou e 'tau e iloa o alofa ki nisi tino mo tino katoa ona ko tino katoa ia te Atua kae ne faite foki ne ia. E pefea tatou o a'lofa ki te Atua tela e se lavea ne tatou ki 'tou mata kae tela loa te tino i 'tou tafa e se mafai ne tatou o a'lofa ki ei? A tatou e 'tau e iloa o a'lofa ki tino katoa. (Fakamasaua a te fuaiupu tauloto)

Mea fai a Tamaliki:

Fesili:

E mata e tau mo tatou o a'lofa ki tino Afelika, tino Initia, mo tino o nisi

atufenua?

Fuaiupu Tauloto: Ioane 13:35: "Tena te mea e iloa ei ne tino katoa ko oku soko koutou, manafai e fakatau a'lofa koutou!"

Pese: "Jesus loves the little children" io me fili mai te tusi pese

Talosaga: Te Atua te motou tamana, fakafetai mo tou alofa tumau mo ma tou katoa. Matou e akai ki a koe, ke tuku mai ne koe ki a matou se loto alofa mo nisi tino tino ona me i tino ka toa ne faite ne koe. Amene.

ULUTALA 9: TINO I 'TOU Tafa

Pogai: Ke fakamalosi ki tama'liki ke ola fealofani kae filemu mo tino i olotou tafa (Tuakoi)

Fakafesili ki tamaliki taki tokotasi me mata la nei seâ a te finagalo o te Atua mô latou?

Pese: When the Saviour calls

Fuaiupu Tauloto: Mataio 1:20"Iosefa te mokopuna o Tavita, sa matakou o fai Malia mo fai tau av-aga, i te mea ko faitama i te Aga-ga Tapu".

Talosaga: Fakafetai lasi te Atua alofa mo 'tou alofa tumau mo matou, kae maise ko te tuku mai ne koe o tau tama fagasele ke mate mo omotou agasala ke fakamalogi-na. Fakamanuia mai mo matou ke fai matou mo tamaliki e ola talitonu ki a koe i aso katoa o motou olaga, ona ko Iesu. Amene.

ULUTALA 31: KO TE FOLAFOLAGA KI TAUSI MAMOE

Pogai: Ke fakamatala ki tamaliki me ne fakaasi foki ne agelu ki tausi mamoe i te vao me ko fanau mai a te Iesu, te Fakaola o te lalolagi.

Tusi Faitau: Luka 2:8-20

Fakatotomuaga:

Kafai a te po ko pouli aka loa kae 'nofo tatou i te vao, kae sae fakavave mai se mainaga pula kae lasi, mata tatou e poi kae ma'taku?

Fakatokaga mô Faia'koga:

A tausi mamoe o Palesitaina e fakatulaga me ne tino mativa, e nofo ki te taki selau a olotou mamoe e tausi. Te mamoe se manu e lauiloa a tona aoga i fenua konei ona me maua i ei a olotou sene; e fakaaoga a olotou fulufulu mo faite a gatu moko, ako susu e fakaaoga mo inu, mo fai foki a meakai. A pakili e fakaaoga mo faite a taka mo gatu ako kano mo kai, ako sinu e fakaaoga mo fai a nisi meakai. I te sua feitu, a tausi mamoe e galue malosio o sala a koga mo fagai kae fainu a olotou manu, ona mene koga lavaki kae se ola lei a mouku me se uke a vai. Te galuega faigata a tausi mamoe ko te tausi fakalei a olotou mamoe mai i manu fekai mo tino kaisoa fakatasi I ei

Malia ne talia ne ia te fekau a te Atua i tona talitonu i a ia se tavini a te Aliko (Luka.1:38).

Ne fakafetaui ne Elisapeta a tena kaiga ko Malia ki muna fakamutia penei: "Amutia koe i fafine katoa" (Luka.1:42). Ne ave ne ia a tena tama ki te faletapu kae ne fakamaonia ne Ana mo Simiona a te fanau mai o te Mesia kae ne 'tao atu mo tena muna ki a Malia penei: "A tou fanoanoa ka fakatusa ki se pelu mata kai, ka suki ne ia a tou loto" (Luka.2:35).

Lesona:

Te fanau mai o Iesu e kese mai i te fanau o tino katoa. Malia ko filigina me ka fanau mai ne ia Iesu, te Fakaola. Kae ko ia ka faitama ite agaga tapu. E fa-kafoofogina te tulaga tenei, kae ne faigata foki kia Iosefa ona me ese mala-malama ite fakasiga tenei ne oko kia Malia. On ko tu mo faifaiga, tela ne faigata iei o talia ne Iosefa, kae ne mafaufau ke mavae laua mo Malia. I taimi tonu e iloa tenei, ne oko mai iei te fakasiga ate Aliko kia Iosefa ke avaga ne ia a Malia, me ko faitama ite agaga tapu, kae ka fanau ne ia te tama tagata, kae ka fakaigoa kia Iesu, me ka fakaola ne ia a tino katoa. Malia ne matakua, kae ne fakamalosiaina ne te agelu, kese matakua, me ko oti ne filifiligina aia mai i loto ite tokoukega o fafine.

Akoakoga:

A Iosefa ne kalagagina ne te Atua ke fai a ia mo avaga a Malia, me ia Malia ka fanau mai ne ia se tamaliki tagata, kae ke fakaigoa ne laua ki a Iesu, me ka fa-kaola ne ia a tino katoa mai i olotou agasala. E lua a akoakoga tãua e maua ne tatou i te tala o te taeao nei:

1. Ko te filifiliga a te Atua
2. Ko te fakalogo o Iosefa

A tatou taki tokotasi, e filifiligina katoa ne te Atua i 'tou olaga ke fai ne tatou ne tusaga tãua mô ia i te lalolagi nei, kae manakogina la iei ko tatou ke faka'logo ki ai.

Mea fai a Tamaliki:

- Tauloto a te Fuaiupu Tauloto
- Faifesili mo tamaliki ki fesili kola e autu tonu ki te ulutala o te aso nei

Tusi Faitau: Luka 10:25-37

Fakatokaga mô Faiakoga:

A Faiakoga o te Tulafono ne tino atamai i te tusitusi mo te faitau. E poto i te fakamatalaga o Tulafono; e se gata i konã, e aofia foki a latou i tulaga pulepule kae kaufakatasi mo nisi i te fai mo takitaki o tino Iutaia.

E lavea i loto i te Feagaiga Fou a te teke o latou ki a Iesu mo ana akoakoga. I nisi taimi e kautasi a latou mo Toeaina mo Faitaulaga Pule (Male.11:27-29) o teke kae fai fesili mo malei a Iesu. Ko Faiakoga foki loa konei ne kautasi ki te palani ke tamate a Iesu. Fakamuli ifo ne teke ne latou a Kelisiano mo te galuega talai o te Tala 'Lei (Gal.4:5-7; 6:11-13). A faitaulaga ne tino kola i aso nei e taku me ne faifeau a ko tino i te matakãiga o Levi e pela me ne tino o te Kaufaigaluega kola ne Tiakono, Failauga io me ne Tiakono Failauga. "A te alofa e seai ne ona tuakoi, e se fakafesili ne ia me se tino mai te fenua fea; kae e se taumafai o salasala me kai ã ko oko i ei te fakalevelave i taimi tena. A te tino e manako ki toku fesoasoani ko toku tuakoi. So se tino i so se koga i so se taimi e manakogina ne ia a toku fesoasoani; e tena a toku tuakoi; a ko au foki ko tena tuakoi" (C. G . Montefiore). Ate alofa ki 'tou tuakoi io me ko tino i 'tou tafa, se fakatonuga mai i te Aliko, kae e 'tau foki e iloa mo tatou o fakamasani ki ei e ui e iloa i te faigata i nisi tulaga.

Mea a'koga mô fakamãina ei a te mataupu:

Ata #15

Fakamatala te tãua o 'tou tu i te ka'laga saale ki so se tino e fakaseke i tua i 'tou fale ke afe mai o kai io me o malolo malie.

Fakatomuaga:

E isi e iloa se ou tau i 'lei ka maua ne koe mafai koe e alofa ki tino mai nisi atufenua kae maise ko so se tino fua tela e fakaalofa io me fia maua sena fesoasoani.

Akoakoga:

A te alofa fakaasi ona ko Iesu mo tena alofa mai mo tatou e isi e iloa sena tau i 'lei. E 'tau mo tatou o a'lofa ki tino valevale ona ko Iesu ne alofa mai mô tatou kae ke se a'lofa fua tatou me ia tatou e fakamoemoe ki se tau. A te alofa o te Atua ne katoatoa e iloa mô tatou mo tino katoa o te lalolagi tela ne tuku mai ei ne Ia tena tama fagasele e iloa e tokotasi ko

Mea a'koga mô fakamāina ei a te mataupu:

'Sala a ata kola e tau tonu mo te mataupu

Fai ne fakatusaga i te olaga fai i luga i lua Ekalesia. (fenua).

Akoakoga:

A 'tou tuakoi io me ko tino i 'tou tafa, i nisi taimi ko tino foki loa kola ko ita tatou ki ei ona ko olotou faifaiga ki a tatou. Kae fakatāua i te taimi tenei ke tau ai atu ne tatou te masei ki te 'lei kae ke a'lofa a tatou ki a latou e pela e iloa mo tou a'lofa ki a tatou e iloa. A te tagata Samalia tenei tela ne alofa ki te tino tela ne ta ne tino ma'sei, e se nofo tasi loa lāua, e sê fenua tasi foki lāua kae se tagata Samalia tela e se fai mea fakatasitasi mo tino Iutaia. Kae e ui e iloa i ei, ne alofa e iloa a ia o atafai ki te tagata fakaalofa tenei. Tama'liki ke a'lofa tatou penei mo te Samalia alofa tenei ki 'tou tuakoi mo tino katoa e ui e iloa a latou e se fiafia mai ki a tatou ona ko Iesu e alofa ki tino katoa.

Mea fai a Tama'liki:

Usu pese

Fuaiupu Tauloto: Luka 10:27(e) "E 'tau foki mo koe o alofa ki tou tuakoi, e pela e iloa mo koe ki a koe."

Pese: Who will love the children (Ko oi e alofa ki tama'liki) io me fili mai te tusi pese

Talosaga: Te motou tamana faka-te-lagi, a matou katoa e a koe. Akoako mai matou ke loto a'lofa ki so se tino kae maise e iloa a tino i motou tafa, ke ola matou i se olaga fealofani ona ko koe Iesu. Amene.

ULUTALA 10: TINO MAI NISI ATUFENUA

Pogai: Ke fakamalosi ki tama'liki ke a'lofa ki tino mai nisi Atufenua

Tusi Faitau: Kenese 18:1-15

Fakatokaga mô Faiakoga:

Te uiga o te muna Mamele ko te malosi io me ko te fula e fakauiga ki

'Kala fakagaligali a te ata #51

Pese: Ne nonofo i te vao leoleo mamoe

Fuaiupu Tauloto: Luka 1:31 "Kiloke, a koe ka faitama, ka fanau ne koe se tama tagata, kae ka fakaigoa ne koe a ia, ko Iesu."

Talosaga:

Te Atua te motou Tamana alofa, fakafetai kooti ne fakalogologo matou i tala ote fanaumaiga mo te tupuakega o Iesu, te motou Fakaola. Akoako mai matou, ke kilo atu matou ki a koe Iesu te Fakaola o matou, kae ke ola matou o fai te mea tela e loto koe ki ei, Amene.

ULUTALA 30: KO TE FOLAFOLAGA KIA IOSEFA

Pogai: Ke akoako a tamaliki ke iloa ne latou me ia Iosefa ne kalagagina ne te Atua ke fai mo tamana o Iesu.

Tusi Faitau: Mataio 1:18-25

Fakatomuaga:

Tamaliki, koutou e isi katoa ne outou tamana. Ia kae nei, koutou ka fakalo-gologo ki te tala o te tamana o Iesu tela ko Iosefa.

Fakatokāga mô Faia'koga:

A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19).

A

Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56).

A Iosefa ko te tamana o Iesu (Luka.4:22; Ioa.1:45; 6:42). E isi se fakasalaga e mafai o oko ki se tamafine tela e fai feagaiga ke lepe malie tela feagaiga mo Malia me ko faitama, kae e se iloa ne ia me ne faitama I ai. Fakamuli ifo ne maina lei a ia e uiga mo te mea ko tupu i te fakaasiga tela ne fakaoko atu ki a ia i te moemiti, tela ne avaga ei a laua. A Mataio (1:18-25) mo Luka (1:26-56; 2:1-38) e kesekese a tala a laua e uiga ki te fanau mai o Iesu kae ko laua foki loa konei ne avake ne laua te tulaga "tamafine" o Malia. A

mo matua ote Fakaola.

Lesona:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga-mai ite agelu ko Kapilielu kia Malia ite fakai o Nasaleta, Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fakatonugina aia ne te Aliko i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Mea a'koga mo fakamāina ei a te mataupu:

· Ata #51

Vitio kaseti (mafai e isi e toka)

Fakatomuaga:

Mata e isi se tino ne vau ki te lalolagi nei i se auala fakaatea me ko ta tou ne fanau katoa mai ne 'tou matua? Te mea e 'kese iei a Iesu me koi tuai a ia o fanau mai kae e isi ne fakaasiga io me ne fakailoaga ne oko mai ki ona matua.

Akoakoga:

Tamaliki, a te fanau mai o Iesu, e 'pau e iloa mo te fanaumaiga o tatou katoa mai 'tou matua, kae e 'kese fua me ona koi tuai a ia o fanau mai, kae ko oti ne fakailoaga ne te avefekau a te Atua ki a Malia me ka fanau mai te Fakaola. Ne filifiligina a Malia ne te Atua kae ne faka oko mai a tena fekau e auala i te agelu. Te mea taua ke iloa ne tatou i konei, me i te Atua e pule ia tatou, e iloa foki ne ia a mea kola e fai ne tatou. Ona la ko Malia, se fafine e 'gali ona uiga, kae fai foki ne ia a te loto o te Atua, tela ne filifiligina ei a ia ne te Atua ke fai mo matua o Iesu, te Fakaola o te lalolagi. Kae ne tupu ake foki a Iesu, ne tausi faka'lei ne ia, ne putiputi ake ne ia ke oko e iloa ki tena matua. A tatou foki e mafai o filifiligina ne te Atua ke fai ne tatou ne tusaga lasi kae taua mō ia manafai e ola tatou o fai tena finagalo i 'tou olaga.

Mea fai a Tamaliki:

Oka lasi kola e tuu i te koga tenei. Te lakau tapu i Mamele e fakauiga ki lakau ko te Oka o Mamele te tagata Amoli mo ana taina kola ne fai tau-gasoa mo Apelaamo (Kenese 14:13,24). E masani Apelaamo o vau ki te toga Oka tenei o Mamele me e tuu iei a tena fata- faitaulaga ki te Atua (Kenese 13:18). Ko fa ate koga tenei mo koga tapuaki o Apelaamo, ese taumate kaati e tenei foki ate pogai ko fakaigoa ei me *tapu* io me ko *lakau tapu*.

A te Tamana o te fakatuanaki e takutakua I ana uiga mo ana faiga- alofa, e pela mote talimalo ne ia a tino kola ese iloa ne ia, e kaimalie, kae e fai mote loto fiafia. Ona ko ana faiga gali konei ne talimalo ei ne ia a te Aliko mote kaumalaga mai te lagi (Iakopo.2:21,26).

Mea Akoga mo fakamaina iei te mataupu:

Ata #15

Fakamatala te taua o tou 'tuu I te kalaga saale ki sose tino e fakaseke I tua I tou fale ke afe mai o kai io me o malolo malie.

Fakatomuga:

E isi e iloa se ou tau i 'lei ka maua ne koe manafai koe e alofa ki tino mai nisi atufenua kae maise ko sose tino fua tela e fakaalofa io me fia maua sena fesoasoani.

Akoakoga:

A te alofa fakaasi ona ko Iesu mo tena alofa mai mo tatou e isi e iloa sena tau i 'lei. E 'tau motatou o a'lofa ki tino valevale ona ko Iesu ne alofa mai mo tatou kae kese alofa fua tatoume ia tatou e fakamoemoe kise tau i. Ate alofa ote Atua ne katoatoa e iloa mo tatou mo tino katoa ote lalolagi tela ne tuku mai iei ne ia tena tama fagasele e iloa e tokotasi ko Iesu Keli-so ke mate mo o'tou agasala ke fakamagalogina (Ioane.3:16).

Mea fai a Tama'liki:

'Kala ata

Faifesili kae fakasinosino ki ata

Fuaiupu Tauloto: Epelu 13:2(a) "Masaua o fakaafe ne koutou a tino fakaalofa i otou fale".

Pese: Jesus loves the little children io me fili mai te tusi pese

Talosaga: Te Atua te motou tamana, a tino katoa i te lalolagi nei ne

fai te ne koe ki ou fakatusa tapu, tela la fakamasaua mai ke iloa ne matou o a'lofa ki tino katoa ona ko koe e alofa foki ki a matou katoa. Ame-ne.

VAEGA 3: AKOGA

ULUTALA 11: TAMALIKI AKOGA

Pogai: Ke fesoasoani ki tama'liki ke atiaka te vā fakatau a'lofa o latou mo nisi tama'liki.

Tusi Faitau: Ioane 13:31-35

Fakatomuaga:

E mata e fia'fia koutou e tama'liki o faka'logo kae tautali ki a Iesu? I te taeao nei, ka fakalogo'logo tatou ki te akoakoga a Iesu ne fai ki ana tau-gasoa ke fakataua'lofa latou e pela mo ia e alofa ki a latou.

Fakatokaga mo Faiakoga:

A te poloakiga e pela me se 'tulafono' a ko te tulafono fou tenei a Iesu e fakavae ki te alofa. E lavea foki a te manatu tenei i faipatiga a Paulo ki te Ekalesia i Loma (13:9); tena tusi muamua ki te Ekalesia i Kolinito (13:13) mo te lua o ana tusi ki te Ekalesia i Tesalomia (4:9). Te 'kano loto' o te 'tulafono fou' tenei a Iesu e fai mo fakaasiga e iloa ei ne te lalolagi a ona soko mo latou kola e talitonu kae tautali ki a Ia me ia latou e fakataua'lofa.

Mea a'koga mo fakamaina ei a te mataupu:

Ata #82

Fakaatili fakamaina se ata fakaasi o te olaga fakataua'lofa mo te fealofani

Akoakoga:

Iesu e manako mai e tama'liki ko tatou ke fakataua'lofa, te tamaliki ki te sua tamaliki, e fakaasi i ei ne tatou ia Iesu e alofa patonu mai mo tatou, tatou tama'liki ko taugasoa o Iesu. Iesu e alofa mai ki a tatou, tatou foki e 'tau o a'lofa ki nisi tama'liki. E fakaasi ne tatou i ei a 'tou a'lofa ki a Iesu i 'tou faiga. Ke se ola tatou i te olaga fakakinou io me fai taua kae ke fakataua'lofa kae fai fealofani a 'tou mea. Ke a'lofa tatou ki tama'liki i loto i te akoga, alofa ki tino katoa, alofa ki ou matua kae maise, ke a'lofa tatou ki te Atua.

Akoakoga:

Tamaliki ko te mea ke talitonu 'patonu tatou me ia Iesu Keliso ne toetu ake e iloa mai te mate ke mafai o fakaola koe mo au mo tino katoa. E manakogina e tamaliki ko Iesu Keliso ke ola iloto I taa olaga e auala I te talitonu io me talia ne taua a ia ki taa olaga ko te mea ke mafai ne taua o fai te finagalo o te Atua.

Mea fai a tamaliki:

Lomi te ata o Iesu I tna toetu mai te mate

Fuaiupu Tauloto: Maleko 16: 6 "Ne fai mai a te tino tena kia latou, ana muna, sa 'mataku. A koutou e 'sala kia Iesu te Nasaleta tela ne fakasataulo. E se I konei, ko oti ne toet..."

Pese: OH! HOW I LOVE JESUS...

Talosaga: Fakafetai te Atua mo te manumalo e auala I te toetu ake koe mai te mate te la ko mafai ne matou o manumalo I omotou olaga sasaele mo koe.

VAEGA 8– KO TENA FANAU MAI

ULUTALA 29: KO TE FOLAFOLAGA KIA MALIA

Pogai: Ke akoako a tamaliki ke iloa ne latou a te fanaumaiga o Iesu fakatasi foki mo tena tupuakega.

Tusi Faitau: Luka 1:26–38

Fakatokāga mō Faia'koga:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapili-elu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fa-katonugina aia ne te Alik i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai

tino e fialia o mate mo te sua tino. Telala, e 'tau mo tatou tamaliki o kufaki kae loto fakamagalo ki nisi tino kote mea ke fialia mai te Atua kia tatou.

Mea fai a Tamaliki

Usu pese

Fuaiupu Tauloto: Efeso 2:5

Pese: Fili mai te tusi pese

Talosaga:

Te Aliko, fesoasoani mai kia matou fanau ko te mea ke lavea lei ne matou a faigataaga kola ne feagai mo te motou Aliko ko Iesu ona ko tona alofa mo tatou, amene.

ULUTALA 28: KO TE TOETU MANUMALO O IESU MAI TE MATE

Pogai: Ke fakaasi io me fakamautinoa ki tamaliki me ia Iesu ne toetu mai ake loa mai te mate.

Tusi Faitau: Maleko 16: 1—8

Fakatokaga mo Faiakoga:

Te toetu manumalo o Iesu ko te toe fakamoemoega ola loa o te Kelisiano me ona a Iesu ne toetu, telala tatou e toetu fakatasi mo ia manafai e talitonu 'patonu tatou ki tena mate mo tena toetu manumalo (1 Kolinito 15: —7). Tenei te 'kesega a te talitonuga Kelisiano mo niisi talitonuga, aua me I niisi talitonuga, a tino kola e talitonu latou kiai ne seki toetu ake mai te mate, ka ko te tala ne lavea ne tatou mai te tusi faitau me ia Iesu e galo I loto I te tanuga e fakaasi mai iei, me ia ia ne toetu mai loa mai te tugamau.

Mea akoga mo fakamaina ei a te mataupu

Te ata o te toetu o Iesu

Fakatomuaga:

E mata e isi se tamaliki kai logo me isi se tino ne toetu ake mai te mate? Ia fakalogo mai ki te tala o te tino tela ne toetu ake mai te mate

Fuaiupu Tauloto: Ioane 13:34: "Ke fakatau a'lofa koutou e pela mo au e alofa ki a koutou."

Pese: Let's all joi together in community, Love love in the light.

Talosaga: Fakafetai te Aliko mo te toe fakamasaua mai ki a matou tama'liki ke fakatau a'lofa matou ki nisi tama'liki. Fakamalosi mai matou ke tumau i luga ia matou a te loto fakatau a'lofa e pela mo koe e alofa tonu faeloa mo matou. Amene

ULUTALA 12: FAIAKOGA

Pogai: Ke akoako a tama'liki ke ava kae faka'logo ki olotou faiakoga

Tusi Faitau: Mataio 4:18-22

Fakatomuaga:

E mata nei koutou e tama'liki e a'lofa kae faka'logo ki otou faiakoga?

Fakatokaga mo Faiakoga:

A te Namu o Kalilaia e tu ki te faitu ki saute o Palesitina kae e fakaigoa foki ki te Namu o Tipelio (Ioa 6:1; 21:1). Sua igoa o ia ko te Namu o Kanasaleta (Luka 5:1). E tokouke a tino e faika i konei mo kai kae fakatau atu foki ki fa'kai lasi pili mai, io me fakamasima o togi ki fakai lasi mo fenua 'mao. A tino faika ne tino fatauva fua ona me seki akoga kae ne tino I Kakilaia (Luka 22:59) kae e faigata mo latou o tausi a Tulafono mo nisi fakanofonofoga kola e fakataua mo te olaga tapuaki o tino Iutaia ona ko te olotou galuega faika. Te uiga o te muna Petelu ko te Kaupapa (Mataio 16:18) A Ioane ko te soko tela e alofa a Iesu ki ei (Ioane 13:23). A te tautaina ko Ioane mo Iakopo ne fakaigoa ne Iesu ki a Poaneki/tela e fakauiga ki te 'tama a te fatili' (Maleko 7:17).

Mea a'koga mo fakamaina ei a te mataupu:

Lomi te ata o tino faika mo Iesu

Fakaaoga ata fakapikipiki (Flannelgraph)

Vitio (mafai e isi)

Akoakoga:

Te tala tenei e fakaasi mai ki a tatou tama'liki me i tagata faika konei e

tokofa ne faka'logo ki a Iesu kae tiaki olotou mea katoa e fai. Ne tiaki a olotou pooti mo mea faika katoa, ne tiaki a olotou tamana kae tau'tali atu ia Iesu. Te mea ne fai ne tokofa konei e fakaasi ei te faka'logo mo te ava o latou ki a Iesu.

E tenei te faifaiga e 'tau o fakaakoako ki ei a tatou tama'liki, ke faka'logo a tatou ki 'tou faiakoga me tena tonu te mea e igoa ki te ava. Iesu ko 'tou Fakaola mo 'tou Faiakoga tela e akoako foki ne ia a tatou ke iloa ne tatou o faka'logo kae ava. Tela la, a te faka'logo mo te ava o tatou ki a Iesu e 'tau o lavea i 'tou faka'logo mo 'tou ava ki 'tou faiakoga.

Fuaiupu Tauloto: Faataoto 23:12: "Sagatonu ki tou faiakoga, kae taumafai o tauloto a mea katoa kola e mafai ne koe o tauloto."

Pese: Tuku atu tou ola ki te Atua...

Talosaga: Te Alike tuku mai a te loto fakalogo mo te ava ki a matou ko te mea ke talia ne matou a tau fekau mo tau galuega i so se tiute e kala gagina ei matou, i tou igoa Iesu e talo atu ei matou. amene.

ULUTALA 13: TAFAGO

Pogai: Ke fesoasoani ki tama'liki ke iloa ne latou o ta'fao faka'lei mo te fealofani.

Tusi Faitau: Kenese 21:8-14

Fakatomuaga:

E fia'fia koutou o ta'fao fakatasi? Sisi aka a lima o tama'liki kola e fia'fia e iloa o ta'fao ia latou e iloa takitokotasi? Nei ka fakalogo'logo tatou ki te tala o Isamaeli mo Isaako ne ta'fao fakatasi, e lavea ne tatou ia laua nei ne ta'fao loa mo te fealofani kae fia'fia fakatasi.

Fakatokaga mô faiakoga:

A Hakala se fafine Aikupito, tela ko te tavini a Sala. Ne fai te tama a Apelaamo ia Hakala tela ko Isamaeli. Fakamuli ifo, ne fanau a Sala ia Isaako a ko ma'tua a Apelaamo mo Sala. Te uiga o te igoa o Isaako ko te 'katakata' me ia Sala ne kata me sê talitonu i te fakaasiga a te agelu me ka fanau ne ia se tama tagata mā tena avaga.

Ko tusa mo te 3 tausaga o Isaako kae fai te kaiga fiafia a Apelaamo. Te kaiga fiafia tenei se faifaiga masani e fai manafai ko 'vae a te tamaliki

Talosaga:

Te Atua, aumai kia matou se loto aava mo te fakaaloalo ke ola ia matou.

ULUTALA 27: KO TE FAKASA SATAULOGA O IESU

Pogai: Ke fesoasoani ki tamaliki ke lavea ne latou a te faigata mo te 'mafa o te amoga ne amo ne Iesu kae maise a tona sataulo I tena aualaki Kalevalia

Tusi Faitau: Ioane 19: 16—27

Fakatomuaga:

Kooi te tamaliki kooti ne lagona ne ia te tala I te fakasatauloga o Iesu? A te tala ka fakalogologo tatou kiei I te aso nei ko te tala o Iesu I te fakasatauloga ne sotia Loma. Mai tua o tena fakamasinoga ne te Kovana ko Pilato, ne iku ei ke fakasataulo.

Fakatokaga mo Faiakoga:

A uiga fakamotu loto, ko muna masei, muna loi mo amioga se tonu katoa ne fai kia Iesu I taimi o te fakamasinoga, te fakasalaga ke oko ki tona mate ko toe logo maega tafasili I te masei. Ka tuku tasi a mea katoa kona, fakatasi mo te mataga o tena mate I te sataulo ko taku a mea konna ko te "sataulo" ne amo ne Iesu.

A te sataulo se lakau faka lava tela e fakasala I ei a tino tafasili I te masei a olotou uiga mo faiga, . Te sataulo e atagina I ei te mate fakalumuluma I tuu mo aganu faka Iutaia. Ne mafa malosia kia Iesu te sataulo o ia ona ko te vaivai o tona foitino I pago mo kini kola ne ave ne sotia.

Akoakoga:

E maina I te tala me ia Iesu ne fakasataulogina I tuapa o Kolokota. A puapuaga ne fakafeagai mo Iesu, fai mai mene talia katoatoa ne ia a ona puapuaga. I te taimi ne fakasataulo ei a Iesu ne seki fakafiti kae ne kufaki e iloa. Kafai e mafaufau tatou ki te mea ne fai ne Iesu, ailoga e isi se tino I te lalolagi tenei e mafai ne ia o fai pela mo Iesu. E seai se tino e mafai ne ia o kufaki a mea 'see o nisi tino. E seai foki se

Tusi Faitau: Mataio 21: 1—11

Fakatokaga mo Faiakoga:

Te Ulumanumalo o Iesu ki loto I Ielusalema se ata tafasili I te gali tela e lavea iei a ia se tupu mo te Fakaola o te lalolagi. A Petefake (te fale mati) se fa'kai foliki tela e tuu pili ki te mauga o Olive te koga tela e lavea lei mai I konaa a Ielusalema. A te asini mo te tama asini ne au-mai Ktoa kia Iesu mo sopo a ia iei (f.7) me "e manako ki ei te Alikii". Te mea tenei ne fai ne Iesu e fakataunu I ei a muna a te pelofeta ko Sakalia (9:9) me ko fakaasi ne Iesu me I te ia se tino o te filemu kae ese fakavae a tena malo ki malosi mo te fia maluga. E seai loa se fakasiga o Iesu me I te ia se tupu, kae I te taimi ne sopo ei a ia iluga I te asini, a ona soko ne fola a gatu o latou I te auala kae ka'aga mo te leo lasi mo laupaama I olotou lima, "ke manuia a te tupu tela e va'u I te igoa o Tavita!" Ne uate a tino I Ielusalema ona ko te faifaiga tenei.

Fakatomuaga:

Kai sopo aka koe I tua o te asini? Io me kai lavea ne koe se asini? Te aso tapu tenei, ko te tala I te ulu manumalo o Iesu ki loto I Ielusalema.

Akoakoga:

Ke fakaaloalo a tu tatou ki sose tino e taaua kii I tou olaga. E pena te malaga o Iesu e fakaataata ei tona loto mamlalo o ia tela ne fakaaoga ei ne ia te manu tenei ko te asini kae se ko te solofanua. Telala, tamaliki se tulaga ke ola te manatu tenei te lotomalalo mo te fakaaloalo I tou olaga sau katoa kae maise la ko tou fakaaloalo ki te Atua tela ko ia te tupu o tatou tino katoa. Ke masaua foki ia taua tamaliki me ia Iesu ko tou fakaola tela ne mate mo fakamagalo tou agasala.

Fuaiupu Tauloto:

Faitau 8 –9e "tokouke tino ne fola olotou gatu I te auala, ka ko nisi tino ne fati ne latou a kaula o lakau kae fakamoe I te auala"

Pese: Let the Lord have His ways

keatea mai te u. I te laveaga ne Sala ia Isamaeli mo Isaako e ta'fao fakatasi, ne oko ifo ei a te loto se fiafia ki a ia tela ne fai ei a ia ki a Apelaamo ke uga te tamaliki mo tena matua keatea. Te pogai, me se manako a Sala ke maua ne Isamaeli se vaega mai i koloa o Apelaamo kae ke tuku katoa ma tena tama tonu ko Isaako.

Mea a'koga mo fakamaina ei a te mataupu:

Faiakoga ke lomi se ata o tamaliki e tafao fakatasi. Fakatoka se ata o ne tamaliki e tokolua e ta'fao mo fakamatala ei a te tala.

Akoakoga:

Tama'liki, se tulaga tafasili i te taua ke ta'fao fakatasi saale tatou kae ke se ti fakakinou. Te tala tenei ia Isamaeli mo Isaako ne ta'fao laua mo te fealofani. E fia'fia laua o ta'fao fakatasi. Ke ola tatou i se olaga fealofani, ke a'lofa tatou ki nisi tama'liki i tou tafa kae maise eiloa ko taimi e ta'fao ei tatou. A te fealofani mo te fakatau a'lofa e se fai fua i loto i te fale, kae ke oko eiloa ki te faleakoga, koga ta'fao mo nisi koga aka foki kola e olo saale tatou ki ei e tamaliki.

Mea fai a Tamaliki:

Fakatu se ata o tama'liki e ta'fao fakatasi. 'Kala ata ne fakatoka ne te faiakoga.

Fuaiupu Tauloto: Fataaoto 17:17 "A takaga e masani o fia'fia fakatas kae fakatau a'lofa"

Pese: Give me true love Jesus io me fili mai te tusi pese

Talosaga:

Te Alikii tuku mai se loto fou mo se loto alofa ki a matou, ke maua ne matou o ta'fao fakatasi mo nisi tama'liki. Ave keatea te loto fakakinou mo loto faitaua ia matou. I tou igoa Iesu e auala atu ei matou. Amene.

ULUTALA 14: ASO FIAFIA MO TAMALIKI

Pogai: Ke fesoasoani ki tama'liki ke iloa tonu ne latou a te taua mo te alofagina o latou.

Tusi Faitau: Maleko 10:13-16

Fakatokaga mô Faiakoga:

A te ave o tama'liki ke fakaeke a lima o tino tãua io me ne faiakoga, ko te mea ke maua ne fakamanuiaga ne tama'liki se faifaiga e fakatãua i te olaga faka-Iutaia. A akoakoga e fakasino tonu mo te putiakega o tama'liki. I te tala tenei a tama'liki ne ave ne nisi tino ki a Iesu kolã ko mätua loa o tama'liki (Lk 18:15)]. A te faifaiga tenei ne fai ne mätua konei e pau mo faifaiga ne fai ne Ana (1Sam 1:24-28); Malia (Lk 2:22-24). A soko o Iesu ne ita ma aumai a tama'liki ki a Iesu me i olotou manatu a Iesu ko to fakalavelave o talia a tama'liki. A Iesu ne se fiafia ki faiga konei a ona soko ona ko ia e se fiafia ki faifaiga kola e fai ne tino ke fakaalofa ei a tino e se taulia.

Mea a'koga e fakamãina ei a te mataupu:

Te ata i tamaliki e alofagina ne Iesu. Ata #76

Pei te ata o Iesu mo tamaliki (vitio) - mǎfai e lava te taimi.

Fakatomuaga:

A koutou e sapai saale ne otou tamana io me ko otou mätua? E isi ne meaalofa e maua saale ne koutou mai i otou mätua? Faifaiga katoa konei e fakaasi i ei a te a'lofa o 'tou mätua ki a tatou.

Akoakoga:

A te tala e fakaasi mai me ia koutou e tama'liki e alofagina kae fakatãuagina malosi ne Iesu. E tena tonu e iloa a te pogai ne fakatu ei a te Aso o Tama'liki. Ko tama'liki ko fakatulagagina muamua i te Aso o koutou tenei ke folafola ne koutou a te Muna i otou meatauloto, pese, talosaga mo tala kola e fakaasi ki otou mätua. I te sua faitu a mätua e fakaasi ne latou ki olotou tama'liki a te alofagina o latou i fakatokaga kola e fai ne latou mǎ tama'liki; e pela mo te togi a olotou gatu fou mo fakatokaga o meakai 'gali mǎ olotou tama'liki. E isi saale foki ne meaalofa e ave ne mätua ki olotou tama'liki. E pena foki a te alofa o Iesu mo tama'liki pela foki mo olotou mätua; tela la, se tulaga tafasili i te tãua ko tatou e tama'liki ke olo atu ki a Iesu auã ko Ia e iloa e alofa patonu ki a tatou tama'liki.

Mea fai a Tama'liki:

Fai fesili kae ke fakasinosino a ata ne tama'liki.

Kautuputupu?

Akoakoga:

A te kautalavou e tama'liki, se vasega io me se fakapotopotoga e tasi i loto i te Ekalesia e pela e iloa mo nisi vasega konei, te kaufaipese, fafine, te kaufaigaluega. A latou ko vae mo lima kola e fesoasoani ki galuega a te Ekalesia. Kafai se vaega o te foitino e se fai a tena tusaga pela mo te taliga io me ko te gutu, ka pokotia ei a te foitino katoa, [fakamatala faka'lei ne koe e te Faiakoga a pokotiaga konei]. E pena foki a te kautalavou, kafai e se fai a tena tusaga mo te fakamaoni, ka pokotia foki ei a te Ekalesia. Tela la e tama'liki, e 'tau mo tatou o a'lofa ki Talavou kae amanaia ne tatou a olotou tusaga fai i loto i te Ekalesia. I aso mai mua nei, ka tupu aka koulua o kau foki i loto i te vasega tenei.

Mea fai a Tamaliki:

Usu pese

'Kala ata kola ne fakatoka

Fuaiupu Tauloto: Failauga 12:13e "Mataku ki te Atua, kae tausi ki ana fakatonuga"

Pese: It`s You, it`s me, it`s us who build community

Talosaga: Te Atua tela e tapuaki matou ki ei, fakamanuia mai mo matou i te aso nei, fakatupu ia matou se loto alofa mo tino katoa kae maise foki mo tala te aso nei, fakatupu ia matou se loto alofa mo tino katoa kae maise foki mo tala vou o te motou Ekalesia. Fakamanuia a olotou olaga tautua ki a koe. Amene.

VAEGA 7: KO TE ULU MANUMALO, MATE MO TE TOETU MAI O IESU**ULUTALA 26: KO ULUMANUMALO IESU KI LOTO I IELUSALEMA**

Pogai: Ke atiake a te iloa o tamaliki me ia Iesu ko te fakaola o tatou

Fuaiupu Tauloto: Fataoto 22:6 “Akoako atu ki te tamaliki te mea e tau o fai ne ia e ola ei a ia, kae ka masaua faeloa ne ia i tena olaga katoa.”

Pese: Tou olo ki mua mo te Atua.

Talosaga: Te Atua fakafetai mo tou alofa. Fakamāina mai matou ke malama'lama i tou 'lei. Amene.

ULUTALA 25: Te Kau Talavou

Pogai: Ke fesoasoani ki tama'liki ke amanaia ne latou a galuega fai a Kautalavou i loto i te Ekalesia.

Tusi Faitau: 1 Samuelu 3:1-14

Fakatokaga mô Faiakoga:

Te olaga o Samuelu ne ofo ne tona matua ke fai mo tino galue a te Atua ona me ne tali ne te Atua a tena fakatagi ke maua sena tamaliki tagata mo faka-gata a tona luma i mua o te sua-avaga a Elekana. A Samuelu ne tautua ki te Atua i loto i Faletapu mai lalo o te Famasino ko Eli. Te tulaga tautua o te kau talavou i loto i te Ekalesia se tulaga taua kii eiloa. Te kautalavou e masani o fai aogapese, usuusu pese ki tino masaki mo pepe foliki, i loto foki i tapuakiga. Nisi galuega e fai saale ne talavou ko te teuga o te Faletapu mo te fale o te Galuega mo galuega foki kola e manakogina ei te lotou fesoasoani. A talavou foki se vaega taua e tasi tena o te foitino o te Ekalesia i ana galuega fai mo ana atiakega. A latou e 'lagomalo ki te Ekalesia i te faitu faka-te-foitino ona ko latou ne tino koi malosi.

Mea a'koga mô fakamāina ei a te mataupu:

'Sala ata o Talavou

Fakatoka ata mo 'kala

Fakamatala ki tama'liki a galuega fesoasoani a te kau talavou ki te Ekalesia

Fakatomuaga:

Ko oi te tino e fakaigoa ki te talavou? Toeaina? Loma'tua? Tamaliki?

Fuaiupu Tauloto: Maleko 10:14(e) “Muna a Iesu, tuku mai tama'liki ke au'mai ki a au kae sa taofigina latou me o tino penei a te Mālô o te Atua...”

Pese: We`re together again io me fili mai te tusi pese

Talosaga:

Te Aliko, ko akai atu matou ke tuku mai ne koe a te loto malosi mo te mafai ko te mea ke tumau i luga ia matou katoa, te loto malalo mo te loto `ma kae maise te alofa ke fakavae i omotou olaga kãtoa.

VAEGA: 4 KO TINO E FIA MAUA SE FESOASOANI

ULUTALA 15: FAFINE KO MATE OLOTOU AVAGA

Pogai: Ke akoako a tama'liki ke a'lofa ki fafine ko `mate olotou avaga

Tusi Faitau: 2 Tupu 17:8-18

Fakatokaga mo Faiakoga:

A Elia se pelofeta a te Atua tela ne vau mai i te fakai ko Tisepi. Ne uga ne te Atua ke fano ki te fakai foliki ko Salefata tela e tusa mo te 9 maila te `mao mo Saitonu. I taimi tena ko poko i ei te oge vai ona ko seai ne vaiua e pela mo te folafolaga a te Atua ne fai ne Elia ki te Tupu (17:1-7). Ona ko te tulaga tena ko seai ne lakau kaina mo lakau toki e mafai o ola, tela ko poko ei te oge meakai i fenua katoa faka-Palesitaina. E tenei te tulaga o te olaga i te vaitaimi ne fetau ei a Elia mo te Fafine Salefata tela ko mate a tena avaga.

Mea a'koga mo fakamāina ei a te mataupu:

Pei te ata o Elia mo te Fafine Salefata i te video (ma fai e isi)

'Sala ata o Elia mo te Fafine Salefata

Fakatomuaga:

Fesili ki tama'liki me iloa ne latou se fafine ko oti ne mate a tena avaga? Fakamatala ki tama'liki a nisi pokotiaga kola e masani feagai mo fafine kola ko oti ne `mate a olotou avaga.

Akoakoga:

Te tala o te aso nei e fakaasi mai i ei a faiga alofa ne fai ne te pelofeta a te Atua ki te fafine tenei ko mate a tena avaga i Salefata. E tena foki te manako o te tala tenei mo tatou tamaliki ke atafai kae a'lofa tatou ki fafine ko mate olotou avaga. E tau mo tatou o fesoasoani ki fafine ko 'mate a olotou avaga me fakaalofa (Esoto 22:22; Teutelenome 26:12). Iesu ne fakaasi ne ia a tona alofa ki te fafine ko mate a tena avaga i te fakaola ne ia a tena tama tagata tela ko oti ne mate (Luka 7:11-15). Tama'liki, ko tau mo tatou o a'lofa ki fafine penei i te fesoasoani o tatou o fai a olotou fekau.

Mea fai a Tama'liki:

Tama'liki ke fakaaoga a penitala lanu mo faka'lani a ata fakagaligali
Fai fesili ki tama'liki

Fuaiupu Tauloto: Ieemia 22:3(i) Sa fakamasei io me fakasaua ne koutou a tino fakaa'tea, tama'liki seai ne matua pela foki a fafine ko 'mate olotou avaga.

Pese: Thy loving kindness io me fili mai te tusi pese

Talosaga: Te Atua akoako mai a matou ke a'lofa tonu ki fafine kola ko 'mate a olotou avaga; ko tou igoa Iesu e talo atu ei matou. Amene.

ULUTALA 16: TINO SE KATOATO

Pogai: Ke fakamaina ki tama'liki ke amanaia ne latou a tino kola e se katoatoa olotou foitino. Tusi Faitau: Maleko 10:46-52

Fakatokaga mo Faiakoga

A Ieliko e tusa mo te 15 maila ki te feitu ki Sopogala ki Matu o Ielusalema i te auala tela e tau atu ki te Iolitana. A Iesu ne faimalaga i loto i Ieliko mo te vaitino i tona auala ki Ielusalema kae fetau'i ei a laua mo Patimaio. Iesu "te Nasaleta" e fakasino tonu ki a Iesu te Keliso ona ko te igoa Iesu se igoa e tokouke a tino e fakaigoa ki ei; A ko Iesu "te Tama a Tavita" e fakasino ki te Mesia tela e vau mai te gafa o Tavita tela e nofo fakatalitali ki ei a tino Isalaelu, me ka vau o faka'sao a latou.

Mea a'koga mo fakamaina ei a te mataupu:

Fakaasi ne ata o tino kivi kae akai mea ke lavea ne tama'liki

Tusi Faitau: Luka 24: 13-29

Fakatokaga mô Faiakoga:

A Kaleopa mo te sua tagata kola ne sasale ki Emau kae fakatasi mai a te Aliko ki a laua, ne olo eiloa mo te loto fanoanoa ona ko mea ne 'tupu ki a Iesu. A laua mo tino e tokouke ne fakamoemoe me ia Iesu ka fai mo Fakaola o Isalaelu, ka fakanâ ki ei a tino katoa, kae tela la, ko fakasataulo ne te kau Loma ko mate atu foki a ia. Kae ko oi la nei ka fakalagolago latou ki ei? Ona la ko te se malamalama o laua i akoakoga a Iesu me e 'tau eiloa a ia o mate ke fakataunû ei a te finagalo o te Atua, ko ala ei o fanoanoa malosi a laua penei. E tenei a te mea e aoga ei a te Akoga Asotapu ki tamaliki, ko latou ke akoako, tauloto kae ke malamalama latou i tala i tala e uiga mo Iesu.

Mea a'koga mô fakamaina ei a te mataupu:

Ata o tama'liki e ta'fao tasi
Ata fakapikipiki

Fakatomuaga:

Kai ã koutou e o'mai ei ki te akoga asotapu? Nei tatou ka onoono aka ki te tala o te fakatasiga a Iesu o fesoasoani o akoako a tokolua tãgata konei ne fia mǎina i te mate mo te toetu.

Akoakoga:

Mai i te tala ne fakalogo'logo tatou ki ei e uiga mo Kaleopa mo te suã tagata, ko fakaasi mai i ei te se malamalama o lãua. Tela la, e tau mo koutou tama'liki o fia'fia ki akoga asotapu ko te mea ke mǎina faka'lei koutou i tala o Iesu. I loto foki i te akoga asotapu, e tauloto ne tatou i ei a mea 'lei, mea 'gali ne fai ne Iesu. Kae maise ka iloa foki ne tatou me i te Atua e alofa ki a tatou. I loto foki i te akoga asotapu, e akoga tasi tatou mo tou taugasoa. Mo tou taina, tua-gaene, ki tala o Iesu. Tela la ke fakamalosi o fakamaoni mai ki akoga asotapu ko te mea ke lasi tou malamalama i tala o Iesu, te tou Fakaola.

Mea fai a Tamaliki:

Ke 'kala a ata kola e fakatoka atu.

Fakatomuaga:

Ko oi a tino kola e tae saale ne latou a sene, tautua a te Famanatuga kae kini foki ne latou a peele i Asotapu?

Akoakoga:

A te Kaufaigaluega e tautua ne latou a te lotou Pule tela ko te Atua, auã me ia te Atua a te Ekalesia mo te galuega. Tela la, e tau mo latou o fai a olotou galuega i te agaga o te matakū mo te āva ki te Atua. E tau foki mo latou o fakaasi a olotou alofa ki te Pule i olotou galuega e fai. A te tokofitu kaufaigaluega kola ne filifiligina muamua e iloa, ne manakogina ne tino fakamaoni, poto kae fonu i te Agaga [Gal 6.3]. A tatou foki e tama'liki ne kau faigaluega a te Atua auã me e pule a te Atua ia tatou katoa. A tou tusaga ne tuku mai ne te Atua, ko tatou ke faka'logo kae āva atu ki a Ia, tou Matua, tou Faiakoga, Faifeau pela foki mo tino matua. Ke iloa foki ne tatou o āva ki Kaufaigaluega a tena Ekalesia kae ke fai a tou tusaga mo te fakamaoni e pela e iloa mo tena manakoga.

Mea fai a Tamaliki:

Tali a fesili kola e fakatoka ne te faiakoga
Usu Pese

Fuaiupu Tauloto: Kolose 3:23 "So se galuega e fai ne koutou, ke fai ne koutou e pela e iloa me e tavini atu koutou ki te Alikī, kae se ki tino.

Pese: Tou olo ki mua mo te Atua.

Talosaga: Te Atua te motou tamana, fesoasoani mai ke fai matou mo tavini a koe i aso fakamuli i loto i tau fekau mo tau galuega. Amene.

ULUTALA 24: AKOGA ASOTAPU

Pogai: Ke atiake a te loto fiafia i tama'liki ke fakamaoni o olo ki akoga Asotapu

Pei se ata i te vitio o Patimaio i tafa o te auala i Ieliko
Fakaaoga te ata #80

Fakatomuaga:

Kai lavea aka loa ne koutou se tino kivi io me se tino e akai mea e sa-gasaga i tafa o te auala? A latou e fakaa'lofa ne?

Akoakoga:

A Iesu ne lagona ne ia te leo o Patimaio, tela se tino e se katoatoa a tona foitino, e kalaga atu ki a ia ke faka'lei ake a tona kivi. tiga te tokouke o tino e olo tasi mo Iesu tiga foki te ka'laga atu o tino ki a Patimaio ke 'nofo malie, tiga te tokouke o tino e fai'pati i taimi loa e tasi, a ko Iesu ne lagona kae amanaia ne ia a tino kivi ko Patimaio. A tatou e tau o fa-kaakoako ki faiga alofa kola ne fai ne Iesu, ko tatou ke a'lofa kae ama-naia ne tatou a tino kola e se katoatoa a olotou foitino; me i tino kola e se katoatoa a olotou foitino e fia maua ne latou a te olaga 'lei.

Mea fai a Tamaliki:

'Kala ata kola ne fakatoka ne te faiakoga
Usu Pese

Fuaiupu Tauloto: Mataio 15:30 "...ne aumai ne latou ki a ia a tino pili, tino kivi, tino vae 'mutu, tino gutu, mo nisi tino ma'saki ake foki... Ne faka'lei katoa ne ia a olotou masaki."

Pese: Seai ne aulo mo siliva ia au io me fili mai te tusi pese

Talosaga: Te Atua, fesoasoani mai ki a matou ko te mea ke amanaia ne matou a tino kola e se katoatoa a olotou foitino. Ke fakamanuia ne koe kae tausi faka'lei ne koe a latou. amene.

ULUTALA 17 : TINO MA'TUA

Pogai: Ke akoako a tama'liki ke fiafia o fesoasoani kae a'lofa ki tino ma'tua

Tusi Faitau: Kenese 27:1-10

Fakatomuaga:

E isi ne tino ma'tua i olotou kaiga? A tino ma'tua pela mo 'tou tupuna e fakaalofa me ko se maua ne latou o gasukesuke malosi.

Fakatokaga mô Faiakoga:

A Isaako ko te tamaliki tagata e iloa e tokotasi a Apelaamo mo Sala, tela ne avaga ki a Lepeka te tamaliki fafine a Petueli; a ko Petueli ko te tamaliki tagata a Nakoli te taina o Apelaamo tela ne avaga mo Mili-ka (Ken 22:20-22; 24:47). A tupuga o tino Isalaelu kola ko Apelaamo, Isaako mo Iakopo ne tino faima'laga faeloa mo olotou manu o salasala ne koga mo fagai a olotou manu; kae e 'kai foki ki manu kola e 'ta ne latou i te vao. E tena te pogai ne fano ei a Esau o 'sala mai se manu o te vao ona ko te fia kaiga o tena tamana i taimi ko matua kae ko kivi foki i ei.

Mea a'koga mô fakamāina ei a te mataupu:

Fakaasi ne ata o tino ma'tua ki tama'liki
Ata #19

Akoakoga:

A te manatu e fakataua i te tala o te aso nei ko te amanaia ne Esau a manakoga o tena tamana tela ko matua kae ko kivi foki. Me i tino ma'tua ko se mafai ne latou o fai ma'tua ko se mafai ne latou o fai a mea kola ne masani a tatou o fai. I nisi taimi e masani o fai ne olotou manakoga io me ne fiakaiga ki olotou tama'liki ke 'sala mai. Te vaega o te tala tenei ko akoako mai ko tatou tama'liki ke fia'fia a tatou o amanaia a manakoga o tino ma'tua kae ke toka a tatou o fesoasoani o fai a olotou fekau. A Iesu ne alofa kae amanaia ne Ia a vaega tino valevale mo olotou manakoga. Ne fiafia a Iesu fano sale o fesoasoani ki tama'liki mo tino matua (Mataio 4:23-25).

Mea fai a Tamaliki:

'Kala a ata o tino ma'tua
Fai a fesili a te faiakoga ke iloa ne ia me pefea te maina o tama'liki i tena mataupu.

Fuaiupu Tauloto: Salamo 71:9 "Nei, ke se tiakina au ne koe i au ko toeaina; sa tiakina au mafai au ko vaivai."

mana faka-te-agaga, tela la e 'tau mo tatou tama'liki o faka'logo kae āva ki a latou. Se galuega tāua tela e fai ne latou i te fagaiga ne latou tatou ki mea'kai faka-te-agaga kola e fakatoka mai loto i te Tusitapu, ko te muna a te Atua.

Mea fai a Tamaliki:

Usu pese

Fuaiupu Tauloto: Galuega 28:31 "Ne folafola atu ne ia a te Malo o te Atua, kae akoako atu foki ne ia latou e uiga ki te Aliko ko Iesu Keliso"

Pese: Faitau tusitapu, kae 'talo i aso katoa

Talosaga: Te Atua, tuku mai te malosi mo te iloa ki tau tavini e tusa mo te galuega fakafeagai mo Ia kae fesoasoani mai foki ki a matou ke a'lofa kae āva matou ki a latou. Amene

ULUTALA 23: TE KAU FAIGALUEGA

Pogai: Ke akoako a tama'liki ke fai latou mo tavini fakamaoni

Tusi Faitau: Galuega 6:1-7

Fakatokaga mô Faiakoga:

A te Kaufaigaluega ko tino kola e fesoasoani ki te Faifeau i te faiga o galuega i loto i te faletapu i taimi o tapuakiga. E aofia i ei ko Tiakono mo Failauga. A latou e tautua ne latou a te ipu, e tautua foki ne latou a te Fakamanatuga, e fesoasoani i te faiga o lauga kae kini saale foki ne latou a peelee o lotu. A latou e akoako kae fa'u foki ki tofiga konei. E manakogina ko tino o te Kaufaigaluega ke fai mo tavini fakamaoni i olotou tusaga kola ko kalagagina ei latou, e pela e iloa mo kaufaigaluega filifilia muamua e iloa kola ne filigina ne te Kausoko mo Apositolo.

Mea a'koga mô fakamāina ei a te mataupu:

Ata mo 'kala ke faka'lomi ki ei a tamaliki
Ata #72

ULUTALA 22: KO FAIFEAU

Pogai: Ke akoako a tama'liki ke iloa ne latou i Faifeau ko Tamana Faka-te-Agaga o tatou.

Tusi Faitau: Galuega 20:25-38

Fakatomuaga:

Tama'liki, ko oi a tino kola e fai saale ne latou a lotu i Asotapu? Ke faka'logo tatou ki te tala o tãgata kola ko fai latou mo Faifeau o folafola a te Malo o te Atua.

Fakatokaga mô Faiakoga:

A Paulo koi tena auala ki Ielusalema mo tena fakamoemoega me ka mafai mai i kona o agai atu a tena malaga ki Loma. Ko fakamãvae ei a Paulo ki toeaina o Efeso kae fakamalosi ne ia a latou. A Paulo se Tamana faka-te-agaga ki tino tali'tonu i ana muna akoako kae fakamalosi loto. A Paulo ko ola katoatoa mo te Atua mo te galuega i te folafolaga o te Tala 'Lei a Iesu Keliso. E tena te ata gali o Tamana faka-te-Agaga.

Mea a'koga e fakamãina ei a te mataupu:

Ata o toeaina/tagata mã'tua, Ata o Faifeau.
Fakaaoga ata #100

Fakatomuaga:

Tama'liki, ko oi a tino kola e fai saale ne latou a lotu i Asotapu? Ke faka'logo tatou ki te tala o tãgata kola ko fai latou mo Faifeau o folafola a te Malo o te Atua.

Akoakoga:

I te fakamavaega a Paulo ki toeaina o te Ekalesia i Efeso, ne fakamalosi ne ia a latou ke tausi faka'lei ne latou a tino o te Ekalesia i te feitu faka-te-agaga, auã me ia latou ko fai mo tamana o te galuega a te Atua. Ko latou konei ko fai mo tamana faka-te-agaga ki tino katoa i loto i te Ekalesia. E pena foki a Faifeau kola ko oti ne faû ke tauave ne latou a te galuega a te Atua i aso nei, a latou ko 'tou ta-

Pese: Jesus loves the older folks like you! you! you!

Talosaga: Te motou Tamana fakamanuia ne koe a tino mã'tua katoa kae avatu ne koe a tou alofa ki a latou. Amene,

ULUTALA 18: PAGOTA

Pogai: Ke akoako a tama'liki ke atiake se olaga filemu i loto i olotou sosaiete

Tusi Faitau: Kenese 40:1-4

Fakatomuaga:

Kai a a tino e fai ei mo pagota kae 'pei ki te falepuipui?

Fakatokaga mo Faiakoga:

Te muna Falao e fakaaoga fua i Aikupito a ko tena uiga e pau mo te muna Tupu tela ko te tulaga tafasili i te maluga i so se fenua tela e isi ne olotou tupu. Te tino fakatoka uaina a te tupu e onono ki manako-ga o te tupu ki mainu kola e faite mai I Vine. Ona e masani o faka-poisini ne tino a tupu e auala i mainu penei mo uaina, tela la, e manakogina se tino fakatuagagina mo tautua a te ipu uaina a te tupu. A Neemia tela ne toe ati ne ia a paa o Ielusalema ne tautua ne ia te ipu uaina a te tupu. A Neemia tela ne toe ati ne ia a pa o Ielusalema ne tautua ne ia te ipu uaina a te Tupu o Pelesia (Neemia 2:1). Te pule o tino faka'fete falaoa se tino taua ona e fakatoka ne ia a falaoa mo kai a te tupu.

Mea a'koga mo fakamaina ei a te mataupu:

Pei te ata o Iosefa i te falepuipui i te fale o Potifala i Aikupito i te vitio Fakaasi te ata o Iosefa i Aikupito

Akoakoga:

A pagota i te tala tenei ko te pule i tino fakafete falaoa, mo te tino tautua a te ipu uaina a te tupu. A laua ne pei ki te falepuipui ne tupu, se taumate ne fai ne laua ne amioga se tonu kae maise i la galuega

tela ne kaitaua ei te tupu. Fakamuli ifo a Iosefa ne pei foki ki te falepuipui tenei e pei ei a tokolua konei kae e seki ai sena amioga masei io me se mea `se ne fai.

Ko fakamalosi mai ne te tala o pagota konei e tokolua kola ne pei tasi mo Iosefa i te falepuipui, ko tatou ke se soko ki a laua ona a laua ne fai mo pagota. A tatou e tau o fai faka`lei a tou galuega mo tofiga me e tena a tou tusaga e fesoasoani ei a tatou o atiake a tou sosaiete ke `lei.

Mea fai a Tama`liki:

Fai fesili ne te Faiakoga
`Kala ne ata

Fuaiupu Tauloto: Mataio 5:16: "Ke pena o maina atu te otou mainaga i mua o tino, ko te mea ke lavea mai ne tino otou amioga `lei, ke `viki atu ei la tou ki te otou Tamana i te lagi."

Pese: Let your light shine on Tuvalu, like a beacon on a hill, let your light shine on Tuvalu and leave it there until, the Lord will come from heaven and save you and I; let your light shine on Tuvalu; shine on, shine on, shine on.

Talosaga: Iesu fesoasoani mai ke fai ne matou ne tusaga `lei ko te mea ke ola fia`fia a matou, i tou igoa Iesu e talo atu ei matou. Amene

ULUTALA 19: TINO FANOANO

Pogai: Ke akoako a tama`liki ke fia`fia o `talo saale mo tino kola fanoa`noa

Tusi Faitau: Ioane 11: 28-37

Fakatokaga mô Faiakoga:

A Lasalo ko te tuagane o Malia mo Maleta kola ne `nofo i Petania i te fa`kai foliki tela e 2 maila te `mao i te feitu ki sopogala o Ielusalema. A Malia i te tala tenei ko ia foki tela ne `ligi ne ia tena sausau togi `mafa ki vae o Iesu kae `solo ne ia ki ona lauulu. "Ko tagi Iesu" se fakaaasiga me ko pokotia a Iesu ne te logo`mae tela e fakafeagai mo tino

Pese: Sasale kae eva tavae te Atua.

Talosaga: Te Atua alofa, fesoasoani mai ki a matou, ko matou ke fia`fia o kaufakatasi ki so se tapuakiga fai ki a koe e fakaasi ei omotou loto a`lofa ki a koe. Amene.

ULUTALA 21: KAU FAIPESE

Pogai: Ke fakamalosi a tama`liki ke fiafia o usu a pese mo tavaega o te Atua.

Tusi Faitau: Luka 2:8-14

Fakatomuaga:

Ko oi ne faite ne ia `tou leo kae ne faite foki ne ia mo a?

Fakatokaga mô Faiakoga:

A tino `tausi mamoe` ne tino fatauvã i te kiloga faka-Isalaelu ona ko te faigata i a latou o tausi a Tulafono e pela mo te muluga o lima mo nisi tulafono pena; ko latou ke `ma fakatapuakiga. Tigã loa a te kiloga faka-te tagata, a te Atua ne oko loa a tena fakaaasiga ki Tausi Mamoe me ka fanau mai a te Mesia.

Te usugã pese e fakaasi i ei a te loto fia`fia o tino e uiga mo se faigãmea io me ki se tino tela ko fakaaloologina. A te Kau o te Lagi ne usu pese e fakamailoga i ei a te fia`fia o latou me ko maua a te fakaolataga mõ te lalolagi agasala. Ne usu pese kae `viki, tavaea ne latou a te fanau mai o te Fakaola, te Tupu o te Lagi mo te lalolagi.

Mea a`koga mô fakamãina ei a te mataupu:

Fakatoka ne pese mõ vikiga mo tavaega o te Atua ke usu ne tama`liki. Fakatoka ne ata o tino e usu pese i se tapuakiga io me se kaufaipese

Akoakoga:

A te usu pese i se tapuakiga se vaega e tasi tena e tapuaki atu ei a tatou ki te Atua. A te usu ne tatou a pese kola e vikia kae tavaea ei a te Atua e fakaasi i ei a `tou loto fia`fia mo te fakafetai ki te Atua. E pela mo agelu ne fiafia ona me ko fanau mai a Iesu, te Fakaola, ne usu pese kae `viki ki te Atua.

`Tou leo ne tuku mai ne te Atua ke fakaaoga faka`lei kae ke fakaaoga foki

Tusi Faitau: Galuega 3:1-10

Fakatokaga mô te Faiakoga:

A tino Isalaelu e fakapolokalame a olotou taimi tapuaki ki taimi kola e fa'ka ei a taulaga o te aso. E lua a taimi i te aso e fa'ka ei te taulaga, kae ko itula talo kae tapuaki foki loa konã o tino ki te Atua (Eso.29:39, 42-43; Num.28:4). Ioane mo Petelu kola ne soko o Iesu, ne o'mai ki te Faletapu o fai tapuakiga i te itula o tapuakiga tela ko te tolu i te afiafi.

Te tagata 'pili se tino akai mea mo ana ola ona ko tulaga fakaalofa ko oko ki ei a tona olaga. E tenei loa te auala e maua ne ia ne sene mo fakataunu a ona manakoga. Ko kãiga io me ko taugasoa o tino penei e fesoasoani o ave tino penei ki koga kola e sologina ne tino e pela mo te Mataloa Gali i te Faletapu.

Mea a'koga mô fakamãina ei a te mataupu:

Ata o te tagata 'pili #93
Vitio (mã fai e isi)

Fakatomuaga:

Moi ne fai ke fanau mai koe e 'pili ou vae, mata koe e fiafia ki ei?

Akoakoga:

Te akoakoga tãua mô tãtōu e tama'liki, ke masaua ne koutou me e 'tau mo tatou o a'lofa ki tino katoa i te koga Tapuaki, me tapuaki tatou i loto i te Faletapu, me i te Faleakoga io me i loto i 'tou fale. E lavea ne tatou i te tala a tatou a te a'lofa o Ioane mo Petelu ki te tagata 'pili. E tãua foki ke kaufakatasi tatou o tapuaki fakatasi pela mo latou konei i te tala ne olo ki te Faletapu i te taimi o tapuakiga. Ke fakamaoni tatou o olo ki lotu, mafaufauga, mo akoga Asotapu. Ke masaua foki ne tatou tama'liki me i te Faletapu se koga e tapu me tapuaki ei tatou ki te Atua tela e tapu kae 'malu.

Mea fai a Tamaliki:

'Kala ata kola ne fakatoka ne te faiakoga
Fakafesilisili e uiga mo te olaga o se tino 'pili me se olaga 'lei me ikai.
Fakafetai ki te Atua me i 'tou vae e 'lei ne tuku mai ne ia.

Fuaiupu Tauloto: Salamo 84:1 "Te Atua Malosi, ko oko e iloa toku fiafia ki tou Faletapu.

fanoa'noa kae fakaasi ne ia a tena kaufakatasi mo latou.

Mea a'koga mo fakamaina ei a te mataupu:

Fakaasi ki tama'liki a te ata o Malia mo Maleta e sagasaga i vae o Iesu
Fakaaoga a te ata #74

Fakatomuaga:

Ne a a mea e masani lavea ne koutou tama'liki i taimi o fanoanoa?
Ko isi se tamaliki ia koutou ne 'nofo i loto i se fanoanoa o se tino mate?

Akoakoga:

A Malia mo Maleta ne 'tagi fanoa'noa malosi ki loa kae i te matega o te la tuagane ko Lasalo. A te okomaiga a Iesu ki te kaiga fanoanoa tenei ne maua i ei ne te kaiga fanoanoa tenei se tulaga fou tela ne matafi atu i ei te fanoanoa. E tau o masaua ne tatou a kaiga fanoa 'noa i tou talosaga me tena te auala e maua ei se filemu mo te loto fiafia i te kaiga fanoanoa; a tou talosaga mo kaiga fanoa'noa ka pela mo te okoatuga o Iesu ki te kaiga fanoanoa i Petania.

Mea fai a Tamaliki:

Fai fesili ne te Faiakoga
Faka'kala a ata kola e aumai ne faiakoga

Fuaiupu Tauloto: 2 Kolinito 1:11: "A koutou e fesoasoani mai ki a matou i otou talosaga."

Pese: Say a little prayer to Jesus will be right io me fili mai tusi pese

Talosaga: Te motou Tamana, fesoasoani mai ke loto a'lofa a matou ki tino fanoa'noa o talo saale mô latou. amene.

VAEGA 6: TE EKALEZIA

ULUTALA 20: KO TE FALETAPU

Pogai: Ke fakamãina ki tama'liki ke iloa ne lãtōu a te tãua o te kaufakatasi i tapuakiga fai i loto i te koga Tapuaki.